



**MATERIA PLATONICA, QUAM FERE VOCANT,  
MELETEMATA.**

**DISSERTATIO  
INAUGURALIS PHILOSOPHICA**

QUAM  
SENSU ET AUCTORITATE  
AMPLISSIMI PHILOSOPHORUM ORDINIS  
IN

ACADEMIA VIADRINA VRATISLAVIENSI

AD SUMMOS

**IN PHILOSOPHIA HONORES**

RITE CAPESSENDOS

DIE XVIII. M. FEBRUARII A. MDCCCLXIV

HORA X

PUBLICICE DEFENDET

AUCTOR

**FELIX BOBERTAG,**  
SILESIVS.

ADVERSARI ERUNT:

PH. BLOCH, STVD. PHIL.

P. BOEHMER, SEM. REG. THEOL. EV. SOD.

A. PISCHEL, STVD. THEOL. CATH.

VRATISLAVIAE.

TYPIS OFFICINAE A. NEUMANNI.

DE  
MATERIA PLATONICA, QUAM TERRE VOCANT,  
MELITEMATA.

DISSERTATIO  
IN AURALIS PHILOSOPHICA

ACADEMIAE LUGDUNO-BATAE  
IN AURALIS PHILOSOPHICA

ACADEMIA LUGDUNO-BATAE

IN PHILOSOPHIA HONORIS

DE XVII. DE FEBRUARII 1700

FEELD. BOERHAAVE

PROFESSOR

PH. BOERHAAVE  
P. BOERHAAVE  
A. BOERHAAVE

1700

1700

**CAROLO BOBERTAG**

**VERBI DIVINI MINISTRO**

**PATRI OPTIMO DILECTISSIMO**

HOC OPUSCULUM SACRUM ESSE

GEORGIUS IVANOVICH

OMISSIT VOLUME PATRI OPTIMO

AUCTOR.

## Prooemium.

**N**ostris temporibus si quis operam det rebus metaphysicis ideasque dei, naturae, mentis humanae cogitatione penetrare ac certis notionibus definire studeat, rem vix scientifice perfecteque expediat, nisi, quantum ad aequilibrium sententias de ejusmodi rebus conformandas excolendasque fecerint ea, quae ab iis, quos „materialistas“ vulgo vocant, docentur et mirum quantum jam percrebruerunt, agnoscat. Ad quae recte intelligenda materiae notio non solum statuenda est, sed etiam, si quidem quis — id quod plerumque non fieri dolendum est — rem funditus dijudicare velit, duplex quaestio est instituenda, historica et philosophica. Philosophicam eam dico, qua, quae sit origo talis in ratione humana notionis, sive quae sit conditio, sine qua non existat materiae idea, historicam vero, qua, quando primum, a quo, quomodo, quibusque de causis ejusmodi idea procreata sit, quaeritur.

In materiae autem notione, quantumcunque de hac re virorum doctorum inter se sententiae discrepant, id semper invenitur, ut oppositum aliquid ac contrarium ponatur menti cogitanti. Quare patet, eam notionem nisi discrimine posito inter naturam mentis et ejus, quod est extra mentem seu non-mens, non enasci posse in cogitatione humana. Hoc autem discrimen primum Anaxagoram intellexisse jam inde a pueris audivimus.

Quamquam — nam, quare res ita se habeat accuratius exponere neque expedit neque opus est quidem — neminem arbitror dubitaturum, quin non apud Anaxagoram sed apud Platonem primum ejusmodi aliquid, quod satis *ἀνάλογον* sit materiae, quam nos dicimus, reperiri possit. Quare neque a meis temporibus alienum neque inutile ad me imbuendum philosophia ratus sum facere, si de Platonis materia quam possem diligentissime disquirerem.

Quod ut facerem non minime eo etiam adductus sum, quod Platonem non solum dignum esse, qui summis adnumeretur philosophis, sed etiam aptissimum, qui tironi primus ac praecipuus in philosophiae adyta sit dux et comes, cum ab aliis et iis quidem doctissimis viris saepenumero audiverim legerimque tum et ipse mirifice sum expertus.

Id autem inde esse repetendum omnes consentiunt, quod Plato, quaecunque insunt legentibus animi vires, pariter ad agendum incitet, nec per libros iter facturum, ut alii solent philosophi, rationem solam per res arduas comitem adsciscere, imaginandi vero vim, pulchrarum sublimiumque rerum studium, alia, domi relinquere cogat. Neque vero quisquam, quibus artibus Plato haec, quae modo dixi, efficiat, nescit: dicendi dico genus, dialogi formam, fabulas saepe florum instar rebus metaphysicis admixtas, facete multa et jocose dicta. Sed his eisdem rebus, quibus, qui legunt adolescentes, delectantur, saepe dolet interpreter. Fit enim saepissime, ut, cum veras et, ut ita dicam, absolute philosophicas Platonis sententias eruere volumus, quid sit imago, quid res ipsa, quid exemplum, quid id, cujus sit exemplum, non recte dignoscere possimus. Quo factum est, ut et de methodo, qua utendum sit in Platone interpretando et de ejus sententiis ipsis vehementer inter se viri docti discrepent. Quod cum in aliis tum praeter cetera accidit in eo, quod equidem quaerere proposui, scilicet in iis Platonis philosophumenis, quae vulgo de materia esse dicunt.

Quid vero? Nonne non imprudenter tantum, sed etiam arroganter agam, si rem dijudicare conabor, de qua valde inter se dissentiunt — ne plures afferam — Schleiermacheri, Hermanni, Boeckhii, Brandisii, ac ne inter veteres quidem una est sententia?

Confiteor, me in magna haec respicientem fuisse dubitatione, sed cum rem difficilem et obscuram mecum ipso diligenter reputando studiisque ad eam illustrandam incumbendo nonnulla, quae mihi lucis aliquantum certe rei afferre posse visa sint, invenerim cumque virorum doctorum sententias inter se conciliare ac viam inter duas extremas partes ingredi mediam magis, quam iudex existere in animo sit, quae de problemate sentiam, non plane indigna ratus sum, de quibus conscribam dissertatiunculam.

Sed antequam ad rem ipsam accedam, sunt quaedam, quae, ut ita dicam, ambitum ejus, quam proposui, rei spectant, exponenda. Nam quae de materia Platonis scimus, partim e Platonis, partim ex aliorum veterum libris, imprimis autem ex Aristotele ejusque commentatoribus repetuntur. Quae vero ab aliis de hac Platonis sententia dicta videntur, si conferimus et accurate spectamus, partim ad Platonem ipsum, partim ad ejus discipulos, qui veteris Academiae nomine designantur, referenda esse apparet. Rursus autem locos, quibus aperte, quid Plato ipse dixerit, narratur, explorato, utrum iis credendum sit, necne, dividi oportet. Alias enim, quid in libris, alias, quid in scholis docuerit, refertur. Quae cum non prorsus inter se consentiant, ut, quae sit ea diversitas et unde, investigetur, certum primum est fundamentum quaerendum, cui reliqua disquisitio superstruatur: ad libros dico Platonis recedendum. Etenim magis consentaneum est, Platonem ab iis, qui audirent scholas suas, postulasse, ut libros haberent cognitos, non vice versa libros ad eorum tantum usum scripsisse, qui auditores fuissent. Quare, qui rem historice et genetice, ut fere aiunt, — aliter enim vix unquam quis Platonem recte intelligat — tractare velit, a fundamento incipiat necesse est, id est primum, quae in libris philosophi doceantur, dicat, tum, quae in scholis dicta referantur, denique, quomodo a discipulis doctrina magistri sit exculta et mutata. Tres igitur sunt partes, quibus res est absolvenda, ego vero primam tantum in praesenti transigere proposui, quod tamen cum, qui tum rei magnitudinem, tum temporis viriumque mearum exiguitatem tum etiam eam, quam hujuscemodi libellum longitudinem superare non licet, spectet, vix crimini daturum spero.



## Caput I.

### Introductio.

Reputanti, quomodo rem optime transigerem, haec mihi, ut non solum id, quod in animo esset, quam maxime tum perfecte tum perspicue proferrem, verum etiam, ut eum, qui obtinet apud Platonem, sententiarum ordinem atque nexum internum quam fieri posset maxime servarem, aptissima visa est partitio. Primum quasi in conspectum nostrum erit ponendum introducendumque problema, tum, quae sit notio, quae natura, quae determinationes materiae Platonicae ita ostendam, ut de vocis „*χώρα*“, quae extat in Timaeo, usu ac significatione perquiram, tum, quatenus inter rerum mundanarum principia sit referenda, tum, quomodo a mente humana percipiatur cogiteturque notio materiae dicam, tum de *ἀπειρον*, quod in Philebo occurrit, agam, denique vero summae instar, quae ante dicta erunt, brevibus complecti et inter se conjungere conabor.

Sine ulla autem — ut rem jam aggrediamur — inter viros doctos dubitatione constat Timaei Platonici locum illum clarissimum, qui legitur inde a pag. 47 usque ad pag. 53 C fundamentum esse jaciendum ei, qui velit disquirere de materiae Platonicae notione. Qui vero recte inde initium facere velit, priusquam ad sententias ipsas accedat, duas res ut ita dicam exteriores attendat necesse est. Primo enim sermonum adpectu Timaeum in nostro loco de re nova, nuper inventa, autem nondum tractata loqui apparet. Praeterea autem

respiciendum est tempus, quo dialogus totus sit scriptus. Quem cum inter extremos Platonis libros ponendum esse consentiant viri docti, illum, qui utrumque illud spectet, vix dubitaturum arbitror, quin in aliis, qui antecesserint, dialogis nec multa nec seria veramque quae contineant et aliquatenus jam excultam Platonis de materia sententiam, inventurus sit dicta. Sed de Platonicae philosophiae origine progressuque deque librorum serie hic non prolixius disserendum; profitemdum tamen, me propter id ipsum, quod modo dixi, cum legerem Platonis libros cumque praeter nostrum locum in Timaeo et Philebi Politicique nonnullos locos, qui postmodum erunt afferendi, nullum, in quo scribendo eam, quam exponere et illustrare notionem proposui, Platonis menti observatam pro certo affirmare possem, invenirem, minime miratum esse.

Propius igitur ad illum Timaei locum accedamus, qui longe primarius in nostra quaestione est vocandus. Qui, sicut totus dialogus, profundissimarum sententiarum est plenus, sed, ut ipsius auctoris verbo utar, *δυσαλωτότατος*, inde a vetustissimis temporibus crux interpretum.

Primum autem, quid tandem in eo loco quaeratur et tractetur, erit exponendum. Et hic quidem Schleiermachi egregium praeceptum nobis erit ante omnia observandum, qui Platonis dialogos ita comparavit cum Novo Testamento, ut ex utrisque libris locos depromptos perperam semper diceret intellectum iri, nisi, qualis esset eorum cum toto, in quo occurrerent, libro nexus internus, clare et distincte perspiceretur. Schleiermachero igitur uti obsequar: quis est, qui totum Timaeum agere *περὶ τῆς τοῦ κόσμου γένεως* nesciat? <sup>1)</sup> Potest igitur dialogus physices Platonicae compendium vocari. Cujus quae sint capita generalia quaeque eorum inter se ratio, haud difficile perspectu. Nam Timaeus, ubi illam ipsam rem, quam tractare proposuit, exponere incipit, orditur a divisione inter τὸ ὄν, quod νοῦσαι, et τὸ γιγνόμενον, quod δόξα percipitur. <sup>2)</sup> Neminem hic mundum intelligibilem — ut aiunt — ex solis purisque ideis, quarum quae sit natura, mox erit

<sup>1)</sup> Tim. pag. 27. A.

<sup>2)</sup> Tim. pag. 28. A.

dicendum et rerum naturalium sensusque moventium mundum, qui sensibilis vocatur, dignosci fugiet. Sed hanc divisionem ad id, de quo est sermo, intelligendum non sufficere mox apparet. Videmus enim Timaeum inde a pag. 27 disserentem de iis, quae ratione seu providentia Dei in mundo facta sint, id est de ideis, quod, quomodo, cur et quatenus in mundo sensibili sint expressae. Incidit autem jam inde a pag. 44 in mentionem ejusmodi rerum, quas postea *συνοίτια*<sup>1)</sup> appellat: quae discernuntur a veris causis id est ideis<sup>2)</sup>; cum igitur neque originem ducant ex ideis, neque insint mundo intelligibili, debent esse in mundo sensibili. Qui, cum, ut supra ostendit, altera tantum ex parte idearum opera sit constitutus, quatenus non meras ideas, sed cum aliqua re ipsis opposita conjunctas continet, debet habere alterum idque ab ideis perquam diversum principium. Qua de causa pag. 48, A „*μεμιγμένη γὰρ οὖν*“ inquit „*ἡ τοῦδε τοῦ κόσμου γένεσις ἐξ ἀνάγκης τε καὶ νοῦ συστάσεως ἐγεννήθη*“, deinde rationem in mundi constitutione dominari necessitati, necessitatem vero seu causam erraticam, id est ratione expertem, non secus esse considerandam dicit, sed si quis rem funditus velit penetrare, non sufficere, ut ad elementa illa quatuor, ignem, aëra, aquam, terram recurrat; quae cum longe non sint substantiae primariae a nullo alio originem ducentes pag. 48, E, „*ἡ δ' οὖν*“ inquit „*αὐτὴς ἀρχὴ περὶ τοῦ παντός ἐστω μειζόνως ἐπὶ τῆς πρόσθεν διηρημένη. τότε μὲν γὰρ δύο εἶδη διειλόμεθα, νῦν δὲ τρίτον ἄλλο γένος ἡμῖν δηλωτέον. τὰ μὲν γὰρ δύο ἰκανὰ ἦν ἐπὶ τοῖς ἐμπροσθεν λεχθεῖσιν, ἓν μὲν ὡς παραδείγματος εἶδος ὑποθεθέν, νοητὸν καὶ αἰεὶ κατὰ ταῦτά ὄν, μίμημα δὲ παραδείγματος δεύτερον, γίνεσθαι ἔχον καὶ ὁρατόν. τρίτον δὲ τότε* et quae sequuntur

Perspicuum ease ex his locis, quos attuli, puto Platonem a consideratione providentiae sive τοῦ νοῦ transitum facere ad id, quod in mundo sensibili discrimen ab intelligibili efficit. Hoc autem χαλεπὸν καὶ ἀμυδρὸν εἶδος est materia<sup>3)</sup>; quod nomen, quamvis non

<sup>1)</sup> Tim. pag. 46, C.

<sup>2)</sup> Tim. pag. 46 D. sqq.

<sup>3)</sup> Rectius quam ὕλη; materia, ut mox apparebit, vocaretur χώρα, spatium, vacuum. Quod autem ad nomen ὕλη, materia attinet, Plato

a Platone trahat originem, ex antiquissimis temporibus ad illam, de qua quaerimus, Platonis notionem designandam est usurpatum. Qua de causa retinendum etiam illi viri docti censuerunt, qui, quam non aptum sit, intellexerunt. Habemus autem nunc tres physices Platonicae capita generalia, agit enim Platonis physice primum de principiis duobus mundi id est de ideis et de materia, tum de mundo sensibili, quomodo constitutus sit, ipso. Quos tres ut ita dicam articulos in tribus Timaei partibus neminem non reperire posse arbitror.

Illustrandum igitur proposui secundum illud physices Platonicae caput. Jam hanc nos cum Platone ponamus quaestionem: Quid est illud alterum, ex quo praeter ideas constat rerum sensus moventium universitas sive τὰ γινόμενα? Quid ideis omnibus vel, quod est accuratius, earum imaginibus ex mundo detractis manebit residuum? Quodsi ita nobis quaerendum est, antequam ad materiam adumbrandam nostrumque locum exponendum accedamus, jure placet recedere ad doctrinam de ideis, praesertim cum Plato ipse non a rerum naturalium materiaeque, quam nos dicimus, considera-

nusquam in libris suis quidquam, quod hujuscemodi abusus possit esse causa, dicit. Nam locus Timaei pag. 69 A „ὅτ' οὖν δὴ τὰ πᾶν οὐκ εἰκότως ἡμῶν ἔλη παρὰ τὴν αἰσθητήν“ et quae sequuntur, voce „ἔλη“ ut exemplum adhibita non tantum necessariam sed etiam divinam causam complectitur (cf. 68, E), ergo id etiam, quod materiae est oppositum. Quod Ritter, cum dicit (Geschichte der Philosophie II. Theil, 2te Auflage, pag. 360) „Ein solches Etwas (geschickt, das Bild der Ideen in sich aufzunehmen) vergleicht Plato selbst mit der Materie, welche von Handwerkern verarbeitet wird“ vix mihi videtur recte accepisse, Aristoteles vero, qui primus „ἔλη“ terminum technicum, ut fere aiunt, in philosophiam introduxit, cum Phys. ausc. IV, 2 dicat Platonem in Timaeo ἔλην et χώραν idem fecisse, quamvis aperte non assentiatur Platoni, tamen videtur causa fuisse, cur viri docti postmodum de Platonis „materia“ aut „sylvā“ — ut Chalcidius — aut ἔλη loquerentur. Namque sane invenerat recte Aristoteles in Platonis materia seu χώρᾳ aliquid, quod esset ἀνόλογον suae ἔλη, sed illa, quantum a Platonis materia distet, ne dicere quidem opus est. Ingens vero ex hac denominatione imprimis apud eos, qui Aristotelem Platonemque inter se quammaxime conciliare studuerunt, secuta est confusio.

tionem ad ideas, sed vice versa, ut omnes sciunt, processerit ab ideis quippe totius philosophiae suae cardine ad mundum sensibilem secundum intelligibilis mundi imaginem extruendum materiamque idearum ratione habita definiendam, cumque, quod idem magis est momenti ad rite quaestionem nostram instituendam, in ea Timaei parte prima, cujus argumentum denotat his verbis „τὰ μὲν οὖν παρεληλυθότα τῶν εἰρημένων πλην βραχείων ἐπιθεδεῖται τὰ διὰ νοῦ δεδημιουργημένα“<sup>1)</sup> magis postuletur in legentibus, quam exponatur doctrina illa de ideis. Etenim intercedit inter primam illam, ubi de rebus intelligibilibus et secundam partem, ubi de materia est sermo, ea ratio, ut altera rem jam antea expositam et cognitam eorum, quae sequuntur, semper habita ratione repetat, altera vero rem plane novam nunc primum — de quo supra jam dixi — exponere incipiat. Habemus igitur in secunda Timaei parte puram de materia, in prima vero adhibitam de ideis doctrinam.

Quid igitur sint ideae, quam brevissime exponamus. Haec dialectices Platonicae, quae est de ideis doctrina, lineamenta:

1. Ad perfectam scientiam (ἐπιστήμη, νόησις)<sup>2)</sup> nihil pertinet, nisi quod pura ratione intelligitur.

2. Ejusmodi sunt notiones generales, quibus vera rerum natura vel substantia (οὐσία) continetur. (γέννη, εἶδη, ἰδέαι, ἐν ἐπὶ πολλῶν). Quae quamvis inter se misceri nequeant, tamen inter se sunt cognatae, quatenus in unum eas idea boni complectitur.

<sup>1)</sup> Tim. 47, E.

<sup>2)</sup> Nihil praeter brevissima doctrinae lineamenta reddere in animo est. Quare nihil etiam adjicio ad rem tum probandam tum illustrandam praeter ea totius Platonicae metaphysices fundamenta, ad quae postmodum iterum erit recurrendum: sententiam dico philosophi de mentis humanae ad cognoscendum viribus, imprimis ex locis illis clarissimis Rep. VI. 509, A, sqq. Rep. VII. 533, sqq. haustam. Modi cognoscendi in mente humana sunt:

1. ἐπιστήμη (νόησις)	2. δοξα
a) πάρεσθ (ἐπιστήμη)	b) δειναια
a) πίστες	b) εἰρησις

Quibus respondent in rerum natura:

1. οὐσία	2. γένεσις
----------	------------



3) Sunt hae ideae solae *ἀνὰ ὅσας οὐρα*. Opponuntur hoc respectu rebus in mundo sensibili extantibus. Nam ideae sunt *καθ' αὐτάς*, quod germanice „an sich“ dicimus, cum mundus sensibilis non in se habeat, sed ab ideis ducat substantiam; ideae sunt *ἀεί κατὰ τὰ αὐτὰ οὐρα*, aeternae, immutabiles, res sensibiles aliae semper in alias mutantur, existunt, pereunt, *γίγνεται*; qua de causa sunt ideae a rebus naturalibus segregatae, *χωριστά*, uti recte ait Aristoteles, quod quidem verbum „transscendentes“ verti posse puto.

Haec mihi videntur esse ideologiae, ut ita dicam Platonicae elementa, ad quae fortasse non inutile hoc etiam monere, ne quis ita definiat discrimen, quod intercedit inter ideas et res sensibiles, ut alteras dicat „ideales“ alteras „reales“; nam hoc discrimen, quamquam nobis usitatissimum, tamen a Graecorum philosophia magnopere est alienum, ideaeque Platonicae, ut breviter dicam, sunt *κατ' ἐξοχήν* reales, si quidem hoc de rebus, quae non in ratione tantum humana, sed extra eam sunt per se et in se, dicitur; in eo vero propria earum vis sita est, quod non tantum extra mentem humanam sed etiam extra mundum sensibilem mutabilemque in se sunt. Quare brevissima quadam quamvis barbara formula idearum Platoniarum naturam definire placet hoc modo: ideae sunt substantiae transscendentes.

Sed nunc ea, quae pauca de ideis statuimus, adhibeamus ad notionem materiae quaerendam et quasi ex conjectura augurandam. Rerum sensus moventium universitas aliquatenus idearum est particeps, sicuti *δόξα*, qua cognoscitur, habet nexum cum *νοήσε*, singula individua, quae cadunt in sensus, cum notionibus generalibus. Aliquatenus autem mundus sensibilis differt ab ideis, ut *δόξα* a *νοήσε*, individua a generibus, phaenomena a substantiis. Quale tandem erit, quod hoc efficiat in mundo sensibili a veris et intelligibilibus substantiis tam magnum discrimen? Nullam — hoc enim primum de ejus natura videtur statuendum — cum ideis habebit communionem, quin immo iis erit contrarium, quoniam est principium, ex quo oriatur discrimen illud inter *οὐρα* et *τὰ γιγνόμενα*. Quare nec *νοήσε* nec *δόξα* percipietur neque nullo modo ad veram rem naturam pertinebit, nec

res conjunget et complectetur, sed disjiciet potius neque habebit ullam substantiam, quae jure possit vocari: ad purum igitur nihil sive nonens perquam prope accedere videtur.

Ejusmodi quidem multa, si quis, quae de ideis dicit Plato, sola respiciat, facile conjiciat. Sed rem habere summas difficultates et Plato ipse et, qui Platonem legerunt, ab initio inde usque ad nostra tempora senserunt. Quo factum est, ut Plato et rem difficillimam esse statim annunciet, ubi eam tractare incipit, loquaturque cautissime et paene ἀνιγνῶσκει et sero, id est in Timaeo primum, quem inter ultimos composuit dialogos, hoc obscurissimum problema penetrare ausus sit: nec non propter id ipsum virorum doctorum opiniones vehementer inter se discrepant, quid sit Platonis materia. Maxima vero rei in eo sita est difficultas, quod non apparere videtur, qui fieri possit, ut id, quod nihil sit, possit habere effectum in mundo rerum sensibilibus conspicuum, scilicet omnia ea, quibus ille differt ab ideis sive intelligibili natura. Qua de causa duae potissimum sunt inter viros doctos sententiae. Alii enim id, quod modo conjecturis assequi conati sumus, materiam a Platone pro non ente habitam arbitrantur, alii autem contendunt esse substantiam quidem seu substratum rerum corporearum per se aeternum existens praeter ideas et deum creatorem, id est mundi dispositorem, carentem vero faciunt formis et qualitatibus.

Talis est controversiae status, hae sunt, ad quas, ut responsum aliquod certe feratur, operam dandum est, quaestiones, et maximi quidem eae, ut facile intelligitur, momenti. Primum enim is etiam, qui philosophiam non attigerit, majorem vix reperiri posse concedat discrepantiam de re, quam si alii eam omnino non esse, alii ab aeterno per se esse contendunt, tum ille, qui Platonis doctrinam recte vult intelligere et ejus lineamenta habere perspicua, de materia quam maxime fieri possit, firmam et distinctam statuatur sententiam necesse est.

Videamus igitur, quid dicat Plato de eo, quod χαλεπὸν καὶ ἀνέμορον εἶδος esse affirmavit. Quam vim maxime habeat, dicit his verbis: „πᾶσις εἶναι γενέ-

σως ὑποδοχὴν αὐτῆς οἷον τιθέσθην" <sup>1)</sup>). Quod verum quidem esse dicit Timaeus, sed accuratius etiam res imagine magis adumbrata quam expressae illustrari debet. Propterea autem ad ea, quae quatuor elementa vocantur, recurrit. Haec ab ea, quam quaerit, obscura materia sunt discernenda. Nam cum mutantur, transcantque inter se semper <sup>2)</sup>, non sunt simplices materiae sed formae mutabiles habenda, qua de causa non pronomine demonstrativo „hoc, illud“ quo significatur substantia quaedam seu subjectum, sed voce „tale quid“ sunt designanda, id enim „tale quid“ dicitur de qualitate subjecto inhaerenti, ut, si quis ex auro figuras faciat, semperque alias in alias transformet, non figura, sed aurum recte „hoc, illud“, figura autem „talis, ejusmodi“ habeat denominationem. <sup>3)</sup> Deinde ἡ τὰ πάντα δέχουμένη φύσις vocatur, porro αὐτὴν αἰσι, quia nunquam mutat suam vim seu naturam. Suscipit enim semper cuncta, quare per se sumpta debet esse omni forma expertis. Massa igitur quasi subjicitur, quae ab iis, quae introeunt, movetur et in diversas mutatur formas, unde alio tempore aliud apparet. Unde autem haec sunt, quae in materiam introeunt? Plato statim declarat: „τὰ δὲ σιγόντα καὶ εἰδόντα τῶν ὄντων (i. e. idearum) αἰσι μμήματα, τυτρώδεντα et quae sequuntur. Tum divisionem illam, a qua profectus est sermo, ita repetit, ut quae sit illorum principiorum maxime inter se ratio, significetur: „τὸ μὲν γιγνόμενον, τὸ δ' ἐκ ὧ γίγνεται, τὸ δ' ὅταν ἀπομοιούμενον φασαὶ τὸ γιγνόμενον, quas tres notiones etiam imagine explicat patris, matris infantisque; et monet, id, quod debeat figuras suscipere, vacuum omnibus iis, quas suscipere debeat, figuris esse oport-

<sup>1)</sup> Tim. 49. A.

<sup>2)</sup> Excepta tamen terra, quae neque in aliud transit, neque ex alio fit elemento, ut postea (pag. 54. B. sqq.) adjicit restringens quodammodo, quod hic dixit.

<sup>3)</sup> Similem igitur ut inter aurum et figuras ex eo effectas dicit intercedere rationem inter materiam et elementa reliquasque res, quae sub sensus cadunt. Sed nec dicit accuratius, quae tandem sit ea ratio, et, ut postea videbimus, magnopere est cavendum, ne hic aliquid a re ipsa alienum cumque iis, quae sequuntur nullo modo conciliandum verbis inferatur.



tere. Quod exemplis unguentorum et massarum, quae ad exprimendas imagines adhibentur, amplius illustrat. „Ταύτῳ οὖν“ inquit „καὶ τῷ τὰ τῶν πάντων αἰεὶ τε ὄντων κατὰ πᾶν ἑαυτοῦ πολλαὺς ἀφομοιωμάτων καλῶς μέλλοντι δεχεσθαι πάντων ἐκτός αὐτῷ προσήκει πεφυκέναι τῶν εἰδῶν.“ Quapropter nullum eorum, quae vocantur elementa, materia est, neque „ὅσα ἐκ τούτων“ neque „ἐξ ὧν ταῦτα“ facta sunt. Dicenda est potius „ἀνθρώπινον εἶδος, ἄμορφον, πανδεχὲς μεταλαμβάνον δε ἀπορώτατα πῇ τοῦ νοητοῦ καὶ δύσασκότητον.“ Ad elementa autem ita se habet, ut ea sint qualitates sive imagines a materia susceptae. Quodsi elementa ita fieri ex materia dixit, ut imagines ab ea suscipiantur, debent esse exempla sive res, quarum sunt imagines elementa illa corporea, id est debet esse idea ignis, aëris, aquae, terrae. Quas extare ratione sola attingendas praeter corpora sensibilia probat sequentibus doctrina de ideis brevissime sed egregie propōsita. Principium dicit esse discrimen illud, quod intercedat inter rationem et veram opinionem. Differunt inter se et origine et natura. Illius enim ex doctrina, hujus ex persuasione participes evadimus, illa semper est cum vera ratione, haec sine ratione, illa non movetur persuasione, haec persuasione mutatur, haec denique omnibus hominibus, illa praeter deos paucissimis tantum mortalibus contigit. Tertium deinde dividit principia mundi, quorum primum est species semper eadem sine ortu atque interitu, quae neque in se suscipit aliud quidquam aliunde neque ipsa introit in aliud quidquam, nec visu neque alio quodquam sensu percipitur. Hoc illud est, quod ratio intueundum accepit. Alterum autem est illi par nomine et simile, sensibile, genitum, semper motum, existens in aliquo loco rursusque inde interiens, opinione cum sensibus prehensum.

Tum Plato, postquam de materia sermone facto quasi ad intimam rei naturam pervenit, totam suam de problemate sententiam, quam, ut ostendisse mihi videor, non prolixius tantum sed etiam ambiguis et a philosophico dicendi genere abhorrentibus vocibus multaue repetendo et iterum aliter vertendo exposuit huc usque, complectitur his verbis: τρίτον δὲ αὐ γένος ὃν τὸ τῆς χώρας αἰεὶ, φθόρον οὐ προσδεχόμενον,

εἶδον δὲ παρέχον ὅσα ἔχει γενεαὶν πᾶσιν, αὐτὸ  
 δὲ μετ' ἀναπόδησας ἀπὸ τῶν λογισμῶν τιτρώσκει, μὴδὲ  
 πιστόν, πρὸς δὲ τῇ καὶ δυνειρομένην βλέποντες  
 καὶ φασιν ἀναγκαῖον εἶναι πῶς τοῦ δὲ ἀπὸ  
 ἐν τινὶ τόπῳ καὶ κατέχον χώραν τινά, τὸ δὲ μὴτ' ἐν γῇ  
 μήτε πῶς κατ' οὐρανὸν οὐδὲν εἶναι ταῦτα δὲ πάντα  
 καὶ τούτων ἄλλα ἀδεσφαὶ καὶ περὶ τὴν αὐτὴν καὶ  
 ἀληθῶς φῦσιν ὑπάρχουσαν ὑπὸ ταύτης τῆς δυνειρώσεως  
 οὐ δυνατοὶ γιγνώμεθα ἐγερθέντες διοριζόμενοι ἐδλη-  
 θὲς λέγειν, ὡς εἰκόνι μὲν, ἐπείπερ οὐδ' αὐτὸ τοῦτο,  
 ἐφ' ᾧ γέγονεν, αὐτῆς ἐστίν, ἑτέρου δὲ τινος αἰετὶ  
 φέρεται φάντασμα, διὰ ταῦτα ἐν ἑτέρῳ τινὶ προσηκεῖ  
 γίγνεσθαι, οὐσίας ἀμωσγῆως ἀντεχομένην, ἢ μὴδὲν τὸ  
 παράπαν αὐτὴν εἶναι; τῷ δὲ ὅντως ὄντι βοηθὸς ἢ δι'  
 ἀκριβείας ἀληθῆς λόγος, ὡς ἔως ἂν τι τὸ μὲν ἄλλο ἢ,  
 τὸ δὲ ἀλλοῦ ὄντος ἐν οὐδετέρῳ τοῦτο φηόμενον  
 ἐν ἅμα ταῦτόν καὶ δύο γενεήσεσθον.

Hic omnia, quae ante de materia sunt dicta, re-  
 petet hoc modo hunc physices capiti ad summam per-  
 ducto finem imponi, quis est, quin intelligat? Item  
 quemque concessuram arbitror, ita nobis ad sensum  
 ejus, cujus modo breve argumentum adumbrare co-  
 natus sum, Timaei partis, penetrandum esse, ut hujus,  
 quem modo verbotenus reddidi, loci accuratam insti-  
 tutamque interpretationem, reliquaeque quae ante dicta  
 sunt de materia, adhibitis rursus antecedentibus ex his  
 Platonis verbis lucem afferamus. Nam legenti inde a  
 pagina 47, Et usque ad pag. 52, De non solum, si totam  
 disserendi rationem, sed etiam si singulos illos termi-  
 nos, quibus *δυνάμει* illud, quod nos materiam Pla-  
 tonis vocare consuevimus, designat Timaeus, respiciat,  
 uti unionem ab imaginibus et exemplis ad verba rei na-  
 turam, qualis per se sit exprimentia procedere appa-  
 rebat. Deinceps enim, postquam *τῆς ἀνάγκης* et *τῆς*  
*κλεινομένης* *αὐτίας* naturam ac principium se velle  
 eruere annuntiavit, his vocibus utitur *πατρὸς γενέσεως*  
*ὑποδοχῆς* *οἶον* *αὐτῇ*, *ἢ τὰ πάντα δεχομένη εἰμασύ*  
*φύσις*, *ἐκπλαστόν*, *τὸ ἐν ᾧ γίγνεται τὸ γινόμενον*, *ἢ*  
*τοῦ γιγνόμενου ὁρατοῦ* καὶ *πάντως αὐτοῦ τοῦ μήτε* καὶ  
*ὑποδοχῆς*, *εἶδος* *ἀπορροῦ* καὶ *πανδεχῆς*, *γένος* *τὸ τῆς*  
*χώρας αἰετῆς*. — Quibus omnibus materiae denominationibus  
 id est commune, quod suscipiens aliquid designant.  
 Sed inter se differunt ita, ut magis magisque ex rei

imaginibus, quasi velaminibus, meram ejus notionem  
evolvant, eum autem, quem extremum exhibet Timae-  
us, terminum, „χώρα“ vix aliquis imaginem seu tro-  
pum appellet. Quae de causa, quod extremum dicitur,  
veram ac nudam maxime Platonis sententiam aperiturum  
esse arbitror; unum autem idemque cum omnibus his,  
quos enumeravi, terminis significari constet; extremi  
ratione habita, id est „χώρα“ notionem quam maxime  
feri potuerit enucleata et illustrata, optime intelligen-  
mus ea, quae antecedunt.

## Caput II.

### De materia „χώρα“ in Timaeo vocata.

Quid igitur hoc loco „χώρα“ intelligit philoso-  
phus? Latissima quidem vocis notio, qua etiam  
Platonem, cum verbum ad rem illam obscuram, de qua  
perquirimus, designandam quaereret, profectum esse,  
sine ullo dubio constat, est id quod „χωρῶς“, quod  
cedit et in se suscipit aliquid vel etiam suscipere  
potest, capax est alicujus rei, ut Plato ipse, ne alios  
affram Græcorum scriptorum, qui extant plurimi,  
locos, usurpat verbum „χωρῶς“. Conv. pag. 214. A.  
Latine igitur melius „spatium“, vernacule „Raum“ quam  
„locus“ et „Ort“ est vertendum. Sed adhuc nos ni-  
hil ad Platonis materiam, quid sit, intelligendam pro-  
fecisse, cum hanc tantum verbi „χώρα“ significationem  
habemus perspectam, cum ex re ipsa tum ex eo pa-  
tet, quod de spatii notionem magna semper fuit inter  
philosophos sententiarum diversitas. Videtur igitur  
e Platonis libris, quam ille posuerit spatii notionem,  
repetendum. Sed ei, qui Platonem bene cognitum  
habeat, vereor, ut operae pretium facturi videamur, si  
hac via ad id, quod nostro loco vocatur „χώρα“, ten-  
damus, ut, quae de spatio aliis locis dicit Plato, con-  
feramus. Nam ejusmodi loci ita se habent, ut uno tan-  
tum 1) nomine „χώρας“ adhibito nostrum aperte re-

1) Tim. 52 D. οὐτος... δὲ δοῶτα λόγος, ὅτι καὶ χώρα καὶ  
γένεσις εἶναι, τρία τριῶν, καὶ πρὶν εὐφρανὸν γινώσκειν.

spiciat locum, aliis<sup>1)</sup> autem generaliter illam spatii notionem vox significet sitque verbi totius synonymum nunquam autem hanc notionem accuratius definitam videmus ita, ut nostro loco lux quaedam afferatur. Quod quidem jam Aristoteles sensit reprehendit enim Platonem, quod spatium materiam dixerit, sed tamen etiam cum loco unum idemque fecerit<sup>2)</sup>. Ex quibus alterum ad nostrum locum et paginam 52, D videtur referendum, alterum autem ad ceteros locos, ubi de *χωρα* et *τόπος* loquitur Timaeus. Suspiciari igitur licet — si Platonem defendere volumus quodammodo — duplicem esse vocis *χωρα* apud philosophum usum, vel certe duplicem videri, cum ex generali illo et non accuratius definito, quo simpliciter spatium significat, non satis sequatur, ut id, quod alterum rerum naturalium principium esse dixit, et iis, quae supra attuli, denotavit vocibus Plato, nunc vocetur *χωρα*. Cum igitur habeamus et spatii notionem satis indefinitam et generalem et illam *χωραν*, quae in nostro loco repente, ut ita dicam, ut ex iis, quae antecedunt, minime expectata exurgit materiae denominatio transitus autem adhuc nos deficiat inter has notiones, aliunde est auxilium repetendum, ut intelligamus, quomodo Plato potuerit idem facere *χωραν* cum materia, id est cum principio illo ideis contrario quod praeter ideas est quaerendum ad mundi sensibilis naturam intelligendam. Quod qui fieri potuerit nisi intelligemus omnia, quae praeterea habemus in Timaeo de materia dicta, erunt obscura. Hic enim est cardo rei, hic totius nostrae quaestionis latet difficultas.

Dicat aliquis: Quid? Plato ex ideis et ex spatio tantum extruxit mundum? Maxime, respondeo, ita rem expedivit, quamvis nos non omnia, quae, ut hoc exequeretur, posuit, probare possimus. Sed ut intelligamus primum, quomodo Plato potuerit putare fieri

<sup>1)</sup> Tim. pag. 25 A; pag. 58 A, cf. etiam pag. 62, C, D, 63, A et quae inde sequuntur.

<sup>2)</sup> Aristot. phys. ausc. IV, 2. *ὅτι καὶ Πλάτων τὴν ὕλην καὶ τὴν χώραν τὸ αὐτὸ φησιν, ὥς ἐστι ἐν τῷ Τιμαίῳ, τὸ γὰρ μεταληπτὸν καὶ τὴν χώραν ἐν καὶ ταύτῳ ἄλλον δὲ τρόπον ἐκεί τε λίαν τὸ μεταληπτὸν καὶ ἐν τοῖς λεγόμενοις ἀγράφοις δόγμασιν, ὅμοις τὸν τόπον καὶ τὴν χώραν τὸ αὐτὸ ἀπαφίνατο.*

posse, ut ex spatio vacuo idearum opera mundus corporeus construat, ea, quae de elementis in Timaeo disputavit, breviter sunt adumbranda, si forte quid auxilii inde nobis veniat.<sup>1)</sup>

Elementorum naturae atque inter se diversitas in eo sita est, ut sint corpora mathematica regularia ex duorum generum triangulis diverso modo composita, et quidem ignis constet ex particulis minimis tetraëdris ex viginti quatuor triangulis, quorum anguli sunt  $= R, R, R$  et  $R$  compositis, aer ex octaëdris triangulos

tales 48, aqua ex icosaëdris triangulos ejusmodi 120 tenentibus. Terrae vero particulae minimae sunt cubi ex 24 quisque constantes triangulis, quorum anguli sunt  $= R, R, R$ . Ex quibus — ut, quod non attinet

ad nostram quaestionem, transeamus — suspicari jam licet, Platonem, cum corpora ex planis composuisse videatur, non discernere inter corpus physicum et mathematicum. Corpus enim physicum est materia — eam intelligo, ut nos fere vocem adhibemus — finibus circumscripta, mathematicum autem corpus est nihil nisi spatium definitum. Aliud igitur corpus, nisi hoc, Plato omnino non novit facitque corpus mathematicum physicum. Quod magis etiam perspicimus, si Platonem in Timaeo viderimus aperte contendente, gravitatem nihil esse, quod corporibus per se contingat seu ad essentiam eorum constituendam sit necessarium.<sup>2)</sup> Singula enim elementa, quamquam perfunduntur inter se universo in mundo, tamen suum quodque habet locum;

<sup>1)</sup> Ex dico quae leguntur in Timaeo inde a pag. 53, C — 55, C. Extat etiam — uti omnes sciunt — aliud de elementis caput idque semper difficillimum habitum pag. 81 B — 82 C, ubi, ut Zeller recte dicit, teleologicè agitur de elementis, cum nostro, quem modo designavi, loco physice eorum naturae demonstratur. Sed ille locus, quaeque ibi Plato de *ἀναλογία* ceterisque de rebus mathematicis loquitur, quamquam pro puro ingenii ludo hand scio, an existimare possim, nihil ad nostram facit quaestionem; nam, quomodo inter sese habeant elementa, ibi exponitur, non quae ratio intercedat inter elementum et materiam; arithmetice, non geometricè disputatur, geometricè autem nos, si *ὑπόστασιν* notionem attingere volumus, debemus deperquirere.

<sup>2)</sup> Vide Tim. pag. 62, C — 63, D; maxime vero 63 D.



ubi plurimae ipsius particulae sunt coacervatae. Inde si portio aliqua ex elementis divellitur, resistit, et hoc appellamus gravitatem, quae propter id ipsum in alio non sita est, nisi, quod similia cum similibus facillime conjunguntur studentque congregari. Quapropter in suo loco unumquodque elementum est gravissimum; in loco terrae terra gravior quam ignis, ignis autem levior, in loco ignis autem vice versa. Sic igitur tollit Plato gravitatis notam in conceptu corporis, remanet extensio. Extensio est praedicatum spatii, corpus igitur, si hoc modo Platonis sententiam accipimus, videtur constare ex spatio sive ex extenso et planis figuris. Sed quid? Nonne aperte negat philosophus, ex materia (χώρα) constare elementa? Non in ea potius esse affirmat?<sup>1)</sup> Hoc ipsum est, quod me in Platonis χώρα non acquiescere sinit ita, ut, eam simpliciter dicam spatium corporaque illa elementaria formas seu figuras.

Sed, ut ex dubitationibus quam citissime nos extricemus appareatque id, quod maximum est ad rem perspicendam, Platonis dico ab ea, quam nos tenemus, de rebus geometricis perquam diversam sententiam; altius etiam recedamus et nos quasi in hanc, quam modo attuli, de elementis doctrinam immergamus necesse est. Res nequaquam facilis, sed, quid sentiam, quam clarissime exponere conabor, etiamsi forte argutiarum suspicionem non plane effugere possim. Ponat aliquis materiam nihil aliud nisi rem extensam, spatium. Adjiciat lineas et plana, quibus corpora mathematica definiri dicimus. Erunt tunc lineae et plana corporum fines, corpora ipsa spatia certis finibus circumclusa recte dicentur seu spatii portiones, quae includuntur

<sup>1)</sup> Tim. pag. 51, A διὸ δὴ τὴν τοῦ γεγονότος ὁρατοῦ καὶ πάντως αἰσθητοῦ μητέρα καὶ ὑποδοχὴν μήτε γῆν μήτε ἀέρα μήτε πῦρ· μήτε ὕδωρ λέγομεν, μήτε ὅσα ἐκ τούτων μήτε ἐξ ὧν τὰ αὐτὰ γέγονεν. Illud autem ἐξ ὧν ad triangulos illos, quos modo dixi, apparet referendum esse, sed ita, ut ii ex ideis ducant originem, id quod verbis, quae sequuntur, statim sit manifestum: τὰ δὲ εἰσιόντα καὶ ἐξιόντα τῶν ὄντων αἰεὶ μιμήματα τοποθεῖντα ἀπ' αὐτῶν τρόπον τινὰ δέσφραστον καὶ θαυμαστὸν ὃν εἰσαῶθις μέμμεν.

Tim. pag. 50 C ἐν δὲ οὖν τῷ παρόντι κατὰ γένη διορισθῆναι τρίτῳ, τὸ μὲν γιγνόμενον, τὸ δ' ἐν ᾧ γίγνεται τὸ δ' ὅθεν ἀφομοιοῦμενον φέεται τὸ γιγνόμενον.

lineis et planis. Erit ergo in unoquoque corpore et materia sive spatium, ex quo proprie constet corpus seu quod sit substantia corporis, et fines corporis non ex materia constantes sed definientes solum materiam. Ex hac sententia si quis dicat in corpore duo esse momenta i. e. positivum et negativum, spatium et fines dico — non inepte loquatur, nam, quod dicitur finis seu terminus, negando ponit singuli corporis, cujus est finis, essentiam, ita ut proprie vocari possit negativum aliquid.

Sed haec hactenus. Fieri sane potest, ut quis ita Platonis de materia sententiam accipiat, si id solum respiciat, quod *χωρα* appellatur, et ex mathematica ejusdem, ut videtur, determinatione ducitur elementorum natura. Sed quantopere ejusmodi interpretatio totam Platonis doctrinam pervertat, vix quoque dicere. Tantum enim, si quis accurate doctrinam Platonis de elementis deque *χωρα* perscrutetur, philosophi nostri ab ea, quam modo adumbravi discrepare sententia videbitur, ut paene ei contraria appareat. Non enim corpora illa elementorum, tetraëdron, octaëdron, ico-saëdron, hexaëdron apud Platonem componuntur ex spatio et planis circumscriptis, sed ex solis planis ipsis; non constant ex spatio, sed nullam aliam habent substantiam, nisi triangulos illos compositos; non a planis ut a finibus corporis includitur spatium, sed plana efficiunt corpus elementare, nihil aliud. Quod quidem cum iis, quae a nostri temporis physicis mathematicisque docentur, parum congruit, sed Platonem, si ex mortuis resuscitatus has inter se discrepantes interpretationes dijudicare posset, valde mihi annuturum esse pro certo habeo, non tantum, si aliorum, qui partim seniores partim aequales Platonis, utrique vero — ut est verisimillimum — ejus fuerunt magistri, philosophorum doctrinās, sed maxime etiam, si Platonis ipseus libros respicio. Quin immo ex Platonis sententia non tantum non defini et includi spatium a corporum substantia id est a planis, sed excludi potius arbitror: corpus cum existit, *χωρα χωρεῖ* id est ita in se suscipit corpus, ut ipsa cedat et ibi non sit, ubi corpus est. Quare *χωρα* corpus circumdat et definit quasi, est igitur *χωρα*, quae idem est cum ea, quam quaerimus, materia Platonica, secundum Platonem mo-

mentum negativum, figura autem, corporis substantia, positivum. Corpus igitur Platicum non ita est in spatio, ut nos hoc dicimus de corporibus, ibi esse corpus, ubi est spatium, intelligentes, sed corpus est in spatio, ita ut sit spatium extra corpus, vacuum, non corpus: dico de eo spatio — quamquam hoc moneam vix necesse, quod *χωρὸν* appellat hoc loco nostro, ut adhibeat ad materiae, de qua quaeritur, definitionem, non de spatio latius dicto, ut minus dialectica et definite in sermone non philosophico adhibetur, utque et ipsum Platonem vocem usurpasse mihi ostendisse videor.

Sed cum illustranda accuratiusque circumscribenda tum demonstranda magis etiam mea erit sententia, quam modo exhibui. Quod ut ordine fiat, primum demonstrandum est, elementorum corpora seu corpora elementaria non e substantia quadam corporea neque e spatio quidem et finibus id est planis, sed ex planis tantum, ex nullo vero alio, constare.

In elementisne illis ejusmodi aliquid inest praeter illas stereometricas figuras, quod substantia corporea seu materia, ut nos voce fere utimur, possit vocari? Brevibus hoc absolvere licet. Nam cum gravitatem ex corporum natura ejecisse Platonem jam ostenderimus, tum ei, qui Timaeum legerit, non poterit dubium esse, quin Plato omnes, quae attribuantur corporibus sensibilibus, qualitates ex figura elementorum duxerit, ut calorem, frigus, colorem, duritiem, cetera. Quare nihil ad naturam cum elementorum tum omnium corporum nisi figuram pertinere, materiam igitur, quam nos dicimus, quae substantiam figurae efficiat a Platone omnino non poni, facile quisque colligit, sed utrum figura includat vacuum spatium, necne, quaeritur. Spatium vacuum prorsus nullum inesse corporibus physicis ex Platonia sententia, plana illa non solum definire corporum volumina, sed etiam eorum substantiam efficere contendit. Quod primum quidem, ut jam monui, patere videtur ex ejusmodi Platonis dictis, quibus affirmat materiam esse id, *ἐν ᾧ γίγνεται τὸ γιγνώμενον*, non *ἔξ οὗ*, monetque aperte, ne materia confundatur cum iis, *ἔξ ὧν ταῦτα* (elementa) *γίγνεται* id est primum cum triangulis, tum cum ideis. Neque vero, ubi conformationem elementorum describit, pag.



54 et 55, quidquam dicit de spatio, cui figurae illae circumdantur, neque, ubi postea exponit, quomodo elementa in se invicem transeant, ullum dicit spatium vacuum ex triangulis dissolutis remanere. Atqui utrumque ex ea, quam nego, sententia tam manifeste sequitur, ut, cur transierit silentio Plato, intelligere prorsus nequeam, praesertim cum, siquidem res ita se haberet, maximi utrumque esset momenti ad elementorum materiaeque naturam ac mutationes; quae ubi describuntur, saepe quidem — de quo infra etiam erit loquendum — fit mentio vacui, sed ita semper, ut id vacuum sit inter singula corpora minuscule, quae elementa constituunt, non vero in ipsis corporibus elementaribus. Quare, cum praeter figuras illas planas neque e substantia quadam corporea neque ex vacuo constent corpora illa elementorum, ex solis illis figuris ea conflata esse consentaneum est. Quod quamvis, quomodo fieri possit, intelligere nequeamus, non tantum Platoni ipsi, sed etiam Aristoteli saepenumero hoc ipsum Platoni crimini danti erit credendum.<sup>1)</sup> Cum vero dicat Plato elementa, si quis id spectet, utrum simplicia sint et vera rerum naturalium prima elementa, necne, ne syllabarum quidem locum tenere posse<sup>2)</sup>, videtur quidem non tantum significare id, quod postea exposuit, ex triangulis illis, quos modo diximus, corpora elementaria esse conflata, sed ultra triangulos etiam primitivos esse dissolvenda elementa apparet. Nam triangulis cum syllabis comparatis lineas ex philophi nostri sententia in litterarum, quae graece etiam *στοιχεῖα* vocantur, ordinem ponendas esse suspicetur aliquis. Sed hoc Plato neque in Timaeo neque alias in libris suis attigit<sup>3)</sup>. Nihilominus tamen

1) Aristot. de coelo III, 1. *Εἰσὶ δὲ τινες οἱ καὶ πᾶν σῶμα γεννητὸν ποιοῦσι, συντιθέντες καὶ διαλύοντες εἰς ἐπιπέδα καὶ εἰς ἐπιπέδων* et quae sequuntur. Idem occurrit de gen. et corrupt. I, 2 ubi Timaeus nominatim laudatur, et in reliquis, quos attulit locis Zeller, Die Philosophie der Griechen; editio II, pars II, 1. pag. 515 adnot. 3.

2) Tim. pag. 48, B, C, *προσῆκον αὐτοῖς* (quatuor elementis) *οὐδ' ἂν οἷς ἐν συλλαβῇ εἶδαι μόνον εἰκότως ὑπὸ τοῦ καὶ βραχέως φησιν οὐκ ἀπικασθῆναι.*

3) Ultra triangulos Platonem omnino non solvisse elementa ex

id constat, res mathematicas eum substantias per se existentes fecisse<sup>1)</sup>, quod, quocunque modo factum est, tamen, si ita, ut nos rem accipere consuevimus, figuras corporum mathematicorum fines tantum spatii habuisset, prorsus non fieri potuisset. Haec omnia igitur mihi reputanti videtur Plato corpora elementaria ex nullo alio nisi e planis composuisse; nec substantia quadam corporea nec spatio quidem praeter has figuras ad ea efficienda assumpto necessarioque

Aristotele etiam videtur patere, qui compluribus locis agens, ut videtur, de hac re de corporibus ex planis compositis loquitur ut relata referens, cetera i. e. sequi ex hac sententia, ut plana ex lineis, lineae ex punctis componantur, ut sua adjicit. Vide de eodem III, 1, 5: *Ἐπειτα δὴλον ὅτι τοῦ αὐτοῦ λόγου ἐστὶ στερεὰ μὲν ἐξ ἐπιπέδων συγκρίσθαι, ἐπιπέδα δὲ ἐκ γραμμῶν, τὰτα δὲ ἐκ σιγμῶν* et 14: *ἔτι εἰ μὲν πλήθει βαρύτερα τὰ σῶματα τῶν ἐπιπέδων, ὅσπερ ἐν τῷ Τιμαίῳ διώρισται, δὴλον ὡς ἔξει καὶ ἡ γραμμὴ καὶ ἡ σιγμὴ βαρὺς. Ἀνάλογον γὰρ πρὸς ἀλλήλα ἐχούσιν, ὅσπερ καὶ πρότερον εἰρημάμεν.* Nec non eo, quod Plato dicit Tim. pag. 53, E: *τὰς δ' ἐν τούτων ἀρχὰς ἀνωθεν θεὸς οἶδε καὶ ἀνθρώπων ὅς ἂν ἐκείνῳ φίλος ἦ* significare mihi videtur, se ultra disquirere non velle; neque quidquam, quod sui temporis legentibus notum fuerit, nobis non, supponere Platonem, nisi quod ad dei providentiam et rationem divinam mundum conformantem recurri jubeat, prius credam, quam — id quod fieri non posse pro certo habeo — quae tandem sit ejusmodi doctrina a Platone prolata, demonstretur. Huc etiam *διόφρατος καὶ θανυστός τρόπος* et *ἀήθης λόγος* videntur referenda ita, ut alterum spectet mythologicum, alterum mathematicum in sermone momentum. Quae tamen non impediunt, quin *τὰς ἀνωθεν ἀρχὰς* ad ideas referendas esse intelligamus, ut infra magis etiam fiet perspicuum.

1) Patet ex Timaeo pag. 51, ubi quaestionem movet auctor: *ἀρ' ἐστὶ τι πῦρ αὐτὸ ἐφ' ἑαυτῷ, καὶ πάντα περὶ ὧν αἱ λέγουμεν οὕτως αὐτὰ καὶ αὐτὰ ὄντα ἐκαστά, ἢ πάντα ἅπερ καὶ βλέπομεν, ὅσα τε ἄλλα θεὰ τοῦ σῶματος ἀποθανόμεθα, μόνα ἐστὶ τριακτὴν ἔχοντα ἀλήθεια, ἄλλα δὲ οὐκ ἐστὶ περὶ ταῦτα οὐδαμῇ οὐδαμῶς, ἀλλὰ μὲν ἐκαστὸς εἶναι τι φάμεν εἶδος ἐκαστοῦ νοητόν, τὸ δὲ οὐδὲν ἀρ' ἔν πλην λόγος* et primum quaestionis membrum affirmat. Videtur igitur non solum τὸ νοητόν, sed etiam τὸ διανοητόν Plato *ἡρῆσαι*, ut ait Aristoteles. Idem saepe hoc ipsum vituperat ut Met. M, II et III, ubi etiam suam de rebus mathematicis sententiam, quam nostris temporibus jure probant, exponit: scilicet *ἐξ ἀφαιρέσεως* ejusmodi res esse.

habito. Accedit, quod Tim. pag. 50, C, cum dicit:  
*καὶ δὲ στοιχεῖα καὶ εἰσὶν τῶν ὄντων διὰ τὰς ἀποφύσεις  
 τῶν στοιχείων αὐτῶν τῶν ὄντων τὰς ἀποφύσεις καὶ  
 διαφύσεις, ὅν τις αὐτῶν πλείων, ἄπορτο* ex aeternis  
 substantiis id est ex ideis ducit naturam elementorum;  
 vehementer igitur Plato totius philosophiae suae indoli  
 repugnaret, si id ipsum, quod ideis contrarium esse  
 debet, elementorum essentiae adnumeraret.

Sed si *χώρα* seu materia non est in corporibus,  
 ubi tandem est quaerenda in mundo sensibili? Nonne  
 forte omnino non adest? Adest sane, sed paene non  
 adest, est, ut jam dixi plane extra corpora elementorum,  
 alterum ab altero disjungit et efficit, ut alterum  
 extra alterum sit, simillima igitur, ut jam alii iique  
 docti viri agnoverunt, est τῷ *μυθῶν* seu vacuo, quod  
 Leucippus et Democritus non minus esse posuerant  
 quam τὸ *δύο*!).

Ex iis autem, quae hanc sententiam magis etiam  
 illustrant, id, quod aliquam habet difficultatem, primum  
 affero. Si elementorum natura in talibus, qualia  
 secundum Philolaum — ut constat — ponit Plato,  
 corporibus sita est, spatium vacuum in mundo sensibili  
 esse oportet. Neque enim inter se ea corpora ita,  
 ut nullum relinquatur intervallum lineaeque lineas,  
 plana plana tangent, componi possunt, quod ex stereo-  
 metria, quam fere vocant, facile probatur, neque unquam  
 figuras ex rectis lineis planisque conflatas globum,  
 id est mundi, quam Plato ponit, formam, explere  
 posse, quis est, quin intelligat? Sed refragari videntur  
 loci Timaei ut 58, A, 60, C similesque, quos tamen,  
 si recte quidem accipiantur, magis illustrare quam tenebris  
 rem offundere aut in contrariumvertere posse persuasum habeo.  
 Primum hoc est monendum; ex iis, quae proposui,  
 argumentis tam perspicuum est, Platonem relinquere in mundo  
 spatium vacuum, quamvis minimum, ut, si disertis verbis negaret alias,  
 sibi ipso contradiceret disertis verbis. Sed ne negat quidem.  
 Nam primo illo loco, ubi de circuitu τῶν *πᾶν-  
 τῶν* dicit: *καὶ πάντα καὶ αὐτὰ χώρα ἐνδείκναι  
 τῇ ἀφύσει*, illud ἐν, ut grammaticorum utar ter-

1) Vld. Zeller I, pag. 584, I. et Sussemlid, Die genetische Entwicklung der platonischen Philosophie II, pag. 411, adn. 322.

minio, de conatu est dictum. Non sequitur ex elementorum natura, ut vacuum prorsus nullum existat, sed efficit circuitus mundi, ut, quaecunque est vacuum, quantum fieri potest, maxime semper expleatur. Quod statim post Plato his verbis affirmat: *τὰ γὰρ ἐν μεγίστῳ μερὶ γενοῦσα μέγιστον κενόν ἐν τῇ ἐστίασι παραλείπει τὰ δὲ σμικρότερα ἐλαχίστην.* Illud igitur *ἐὰν οὐδενίαν* idem est, quod hoc *παραλείπει ἐλαχίστην*, si rem ipsam tantum respicias, sed accuratius dictum. Sed magis etiam, quid de hac re sit habendum, illucescit ex Tim. pag. 60, C. Timaeus enim ibi demonstrat, quomodo e terra aqua permixta fiant lapides. Aqua, quae terrae particulae est admixta, coacta iisdem mutatur in aëra et excedit in suum locum. Non autem adest, quo intrare possit, vacuum, qui fit, ut aëra circumfusus urgeat terrasque particulas ita, ut fiant lapides, comprimat. Hoc loco, si quis credat vacuum prorsus negari a Platone, his quae apposui — id, quod contra Platonis sententiam me fecisse vix quisquam contendat — verbis „quo intrare possit“ totam difficultatem effugimus<sup>1)</sup>. Nam *χώρα* seu materia non est ejusmodi spatium vacuum, quo possit corpus intrare, sed illud est, quod nullum eorum, ex quibus elementa constant, corporum penetrare possit. Quod in mundo extare et remanere ante demonstravi. Minimum autem ac paene nullum esse ex eo patet, quod triangulorum primitivorum natura angulis tantum definitur, linearum autem longitudo seu potius brevitates est infinita. Unde volumen corporum omnium simul sumptum proxime accedit ad totius mundi volumen, materiae autem seu *χώρας* volumen paene fit nullum. Qui vero Platonem omne spatium vacuum prorsus e mundo ejecisse affirmat<sup>2)</sup>, vereor, ne praeter ea, quae jam protuli, graviter offendantur ejusmodi locis, ubi aperte inter elementorum corpora vacua (*κεῖνα*) esse dionatur, ut Tim. 60, E. seqq.; quamquam negari non potest, quam maxime studuisse philosophum nostrum, ut vacuum nullum relinqueret in mundo.

Sed jam adhibeamus eam, quam enucleare conatus sum.

Tim. 59, A eodem modo debet accipi.

<sup>1)</sup> Ut Aristoteles etiam fecisse videtur; vide de coelo lib. III, 8.

sum, materiae seu *χώρας* notionem ad quaedam, quae ante dixit Plato de ea re in Timaeo. Terminos, quos supra enarravi, si perlustramus: *ἐνδομήν*, *δεχόμενη*, *ποῖς*, *παραχές*, bene quadrant ad nostram sententiam. Et nunc demum hoc quoque funditus intelligimus, cur Plato appellet materiam *τὸ ἐν ᾧ γίγνεται τὸ γινόμενον* non *τὸ ἐξ οὗ*, quod quidem si *χώραν* id, quod nos vocamus materiam, fecisset, debebat dicere. Sed ne quis per vocem *ἐμπαγέτωρ* in errorem incidat eamque mihi refragari contendat accipiens eam pro materia seu massa ex qua quid fingitur. Nam Theaet. pag. 191, C et 196, A *ἐμπαγέτωρ* est ea massa, in quam imprimitur alicujus corporis figura extrinsecus, et Tim. 72, C, id, in quo abstergitur aliquid, nusquam vero a Platone ita usurpatur, ut massam, ex qua quid effingatur siue quae in figuram aliquam solidam transformetur, significet. Quare vernacule non „Bildungsstoff“ sed „Abdrucksstoff“ recte est vertendum. Denique vero non temere Platonem Tim. 35, A, ubi de compositione animae mundi disserit, *τὴν μεριστὴν οὐσίαν* dixisse arbitror *περὶ τὰ σώματα* et *κατὰ τὰ σώματα* non *ἐν τοῖς σώμασι* aut *τῶν σώματων* aut *σωματικὴν*. In quo difficillimo et illustrissimo loco interpretando quantumcunque dissentiunt inter se viri docti, cum in eo certe consentiant, ut ibi de materia esse sermonem concedant omnes, magis eae, quas enarravi denominationes, pro me quam pro sententia contraria faciunt, quamquam illud *περὶ* et *κατὰ* sine ceteris, quae protuli, argumentis me non ad sententiam meam adducturum fuisse non nego.

### Caput III.

#### De materia, quatenus sit mundi principium.

In iis, quae hactenus a me sunt disputata, exponere studui, quomodo Plato, postquam in illud, quod vulgo materiam Platoniam vocant, principium incidit, notionem *χώρας* ad illud designandum accommodaverit. Sed et commovit me, ut hoc de problemate inquirerem, quam possem diligentissime, cujus ante



mentionem feci, virorum doctorum dissensio, utrum omnino aliquid sit materia an prorsus nihil sit, ad quam litem dijudicandam haec, quae dicta sunt, longe nondum sufficere quis est, quin intelligat? — et multa alia sunt a Platone, cum de materia disputaret, adjecta, quae partim ad physicen partim ad dialecticen pertinent. Qua de causa nunc dicendum est, primum, quomodo materiae notione Plato usus sit in mundo sensibili extruendo, tum, quam esse rationem docuerit inter nostrum intellectum et materiam. Pergamus igitur in loco illo, ubi primum verbum *χώρα* occurrit, contineturque brevis doctrinae de materia argumentum, exponendo. Legimus ibi verba illa gravissima, *τρίτον δὲ αὐτόν ἐστιν τὸ τῆς χώρας αἰ, φθορὰν οὐ προσδεχόμενον* et quae sequuntur, Scimus paulo ante Platonem de materia dixisse *ταύτὸν αὐτὴν αἰ προσοχητέον· ἐν γὰρ τῆς ταύτης τὸ παράπαν οὐκ ἔστιται δύναμις*. Quos locos si quis conferat, priorem ita posteriorem recte dicat interpretari, ut *δύναμις* illa sit *χώρας δύναμις*, rursus vero priorem ita a posteriore definiri, ut situm sit illud *τὸ αἰ τὸ τῆς χώρας γένος εἶναι* et *τὸ τὴν φθορὰν οὐ προσδέχεται* in eo, quod ante dicitur *τὸ τῆς ταύτης δύναμις οὐκ ἔστιται*. Contendo igitur, ut rei statim attingam cardinem, Platonem hic loqui de materia, quod semper eadem sit, non quod semper existat: essentiam materiae, non existentiam — ut Benedicti de Spinoza verbis utar — dicit. Sed heus, in quem gurgitem philosophiae me praecipitavi! Non solum enim vereor, ne deglutinet me immensa profunditas undarum, sed circumnatant etiam tritones sirenesque huc illud seducturi, scilicet et res ipsa per se est difficillima, et turbant me philosophorum quaestiones inter se tum de materia in genere tum de Platonis materia varia disputantium: sintne deus seu ideae priores, quam materia, an simul cum ideis deoque semper ea extiterit, sitne facta an infecta et quae ejusmodi sunt reliqua permulta. Quae omnia pertinent ad rationem, quae fuerit inter ideas et materiam in mundo constituendo — rem sane ingentis momenti, sed magis asserere et breviter, quae sentiam, adumbrare, quam rem ab ovo uberius tractare conabor, id quod Timaeus etiam fecit, in mentionem cum incidere dialectice seu doctrinae de ideis, ne multo majoris, quam proposui,

tractatus fiat voluminis. Quare, quae permulta et ea acutissima hic ab interpretibus disquiruntur, mitto, nisi ut exponam, utrum ideae causae fuerint materiae, an vice versa, an utrumque per se sit, an invicem a se dependeant. Nam eum, qui mecum *δημιουργόν* seu *τὸν ἐννοεῖν*, quatenus ut de persona de eo fit sermo, inter mythica dialogi momenta referat, tempusque, antequam mundus visibilis esset factus, non extitisse intelligat, aliter quaestionem ponere non posse arbitror. Sed ne id quidem, dependeantne a materia ideae et dependeantne a se invicem ideae materiaque, qui Platonem legerit, quaerat quisquam. Restat igitur, ut quaeramus: Utrum ideae sunt causae materiae, annon? Sed ne amplius, quid sentiam, dissimulem; neque hoc quidem tam simpliciter quaeret et alterum negabit, alterum vero affirmabit. is, qui, inter substantiam et causam quae sit apud Platonem ratio, intellexerit. Sed quid? Subito de substantia loquor? Et summo id quidem jure. Substantia enim latissime dicitur id, quod in se est, absolute autem sumpta, quod in se, per se et a se est, causa id, quod efficit, vel, si efficiendi notionem magis ad fontem suum reducas et ab omni eo, quod est externum, id est ab effectu, abstrahas cogitationem, id, quod agit; absolute autem sumpta causa est purus actus, non id, quod est et agit, sed id, quod agit tantum, non res agens, sed actus. Videntur autem mihi — ut id, cujus causa haec exposuerim, appareat — si speciebus misis genera tantum divido, duo esse philosophorum maxime genera. Alteri enim hoc habent totius philosophiae principium et ab hac idea semper partim plane prudentes partim inscii fere et inviti ducuntur in cogitando de rebus metaphysicis: Principii omnium rerum id est proprium, ut in se, per se et a se sit; alteri autem: Principii omnium rerum hoc primum est momentum, ut agat. Inter quas origines philosophiae quid intersit, neminem potest fugere. Nam alteri ex substantia ducunt causam, alteri e causa substantiam; id est, cum illorum sit substantia absoluta rerum omnium principium, causam eam esse dicunt rerum, quatenus sit omnium rerum substantia; horum cum causa absoluta sit, a quo ducantur res omnes, eatenus eam dicunt omnium rerum substantiam nec non singulas res substantias,

quatenus sit actus tum se tum alias res agens seu actualis faciens. Prioribus — ut exempla afferam — adnumerandi videntur Plato, Aristoteles, maxime vero Spinoza et e novissimis Hegelius, posterioribus Leibnitzius, Fichtius et, qui adhuc floret, Branisz. Hac de re disputari posse non nego, sed neque fore, ut eorum, quae posui, nullam rationem dare possim, spero, neque hic metaphysices accurata et proluxa fundamenta jacienda sunt. Platonem igitur — ut ad id, quod proprie quaero, revertar — ex iis esse, qui substantiae ideam habent caput omnis philosophiae, contendo non solum, quia ideis suis, id est principiis tum essendi tum cogitandi summis, adscribit omnium determinationum primam τὸ ὄντως εἶναι, sed magis etiam ex eo, quod ad notionem causae definiendam a viro proponitur. Nam si quis e Platone quaerat, quatenus tandem ideae sint causae mundi visibilis — id quod, si respicias Tim. 28, A, maxime quaerendum est — respondeat: quatenus, quidquid est substantiae aut substantiae simile in rebus mundanis, idearum est. Dūcit igitur Plato omnino notionem causae ex notione substantiae. Nam si quis dicat, efficientem quidem causam rerum mundanarum sic, ut modo contendi, in ideis invenisse Platonem, finalem vero, seorsim positam per deum indicasse, tunc — si semel ejusmodi terminos ut causam efficientem et finalem hic admittimus — respondeo: deus rerum opifex, qui δημιουργός dicitur in Timaeo, ideam boni significat; cui vero deo cum tribuatur id, ut mundum efficiat, videmus Platonem idem facere causam efficientem cum causa finali; qui enim mythologice, ut ita dicam, vocatur deus mundum efficiens, metaphysice sumptus est idea boni; idea boni autem est id in ideis sive id idearum omnium commune attributum Platonis more substantia factum, — quod vernaculè „hypostasirt“ dicimus — quo ideae sunt rerum mundanarum exemplaria <sup>1)</sup>, id est earum perfectio summa, quae in nullo alio constat, nisi ut sint solae verae substantiae. In omnibus igitur iis, quae de idearum cum mundanis rebus nexu causali possunt dici, id est caput atque fons doctrinae, quod ideae sunt substantiae, et substantiae notio omnino

<sup>1)</sup> *νοητάσματα*, Vorbilder, Urbilder.



est philosophiae Platonicae summum principium. Sed ea, quae hactenus dixi, sufficere arbitror ad illam quaestionem, quae saepissime est a philosophis ventilata, Platonis materia utrum dependeat ab ideis, necne, intelligendam; sed hic, qui, quid quaeratur, priusquam quaerat, non intelligat, recte respondere non poterit propter intimam notionum causae et substantiae nexum. Materiae autem cum ideis nexus causalis — siquidem de eo potest sermo fieri — his mihi videtur definiri. Ideae sunt substantiae, materia autem, cum ideis quammaxime debeat esse contraria, caret substantia. Causalis autem nexus, cum omnino in eo sit situs, ut quid (effectus, res mundanae) particeps sit substantiae alius rei, (causae, idearum) materia vero, quippe prorsus carens substantia, cum non possit particeps esse idearum substantiae, non pendet nexu causali ab ideis. Sed propter id idem, quod caret substantia, non per se est, nam nihil per se est, nisi quod habeat substantiam sive sit *ὄντως ὄν*, ut id, quod omnino non esse dicimus, et ab aliqua causa effectum et sine causa existere negamus. Rem vero hoc id est causalis momenti respectu abstrusam esse vixque notionibus plane dilucidis et certis definiri posse necesse est confiteamur.

Sed si ad Timaei singulos locos revertimur, pertinet huc etiam id, quod dicit Plato Tim. pag. 48, A. *„μεμυγμένη γὰρ οὖν ἡ τοῦδε τοῦ κόσμου γένεσις ἐξ ἀνάγκης καὶ τοῦ συστάσεως ἐγεννήθη*. Sermo sine dubio est de aliqua re ideis opposita, ergo materia hic *ἀνάγκη* est, seu, ut jam ante accuratius dixi, materia est principium *τῆς ἀνάγκης*. Quod cum respicimus et id etiam, quod mox postea de necessitate a ratione victa Timaeus loquitur, animadvertimus, rectissime, arbitror, ita hanc *ἀνάγκην* a Platone intellectam esse contendemus, ut sit materia eatenus *ἀνάγκη*, quatenus necesse est, ut aliquid contrarium sit ideis in mundo visibili. Illud vero *πειθεῖν*, quod *νοῦς* exercet in *ἀνάγκην* est ipsa conformatio mundi; quousque autem a ratione necessitas sit victa, hic Plato magis *αἰνίσσεται*, quam disertis verbis dicit, sed tum ex eo, quod de elementorum cum spatio vacuo seu materia ratione supra dictum est, magis fit perspicuum, tum etiam ex iis, quae postmodum sunt proferenda, fore ut illucescat, spero. Sed ne quis — id, quod facillime

feri posse arbitror — verbo „ἀνάγκη“ vim et significationem a Platonis sententia alienam adscribat vocem ad naturalem quandam, ut aiunt, necessitatem suis quasi viribus dei providentiae reluctantem referens. Quod, cum semel in hunc locum celebrem philosophiae Platonicae inciderim, statim magis etiam est illustrandum. Ejusmodi enim, ut modo dixi, non solum in tam multis Timaei locis, sed etiam in Politico pag. 273 fit mentio naturae, ut eum, qui quaerat de materia Platonica deque ea, quae inter eandem et ideas intercedat, ratione, valde possit turbare, si Plato sibi videatur ita ipse contradicere, ut modo utatur ad mundum construendum ideis et materia illa, quam adeo omni substantia carere facit, modo narret a Deo opifice ex materia non solum in se existente, sed se moyente et tumultuante mundum esse effectum. Sed eiecimus demiurgum e Platonis metaphysica, quid metuemus materiam et ejus, ut ait Chalcidius, antiquam jactationem? Videndum igitur primum est, quid tandem sit haec, quae a nonnullis viris doctis vocata est secundaria materia, ut discernere eam ab illa, quam huc usque adumbrare conati sumus, primitiva. Sed vereor, ne tam fiat Plato Manichaeo dissimilis, ut totam hanc comoediam, in qua deus agit partes ferarum domitoris, amittamus et referamus ad Timaei dialogi formam poëticam et mythologicam. Quid enim, si omnia, quae in Timaeo legimus, pro sincera Platonis sententia admittere velimus? Nonne hoc contra ipsius philosophi nostri fieret voluntatem, quippe qui totiens vocet *μῦθος* ea, quae in Timaeo dicit, et se nonnisi verisimili sermone uti profiteatur? Num fieri potest, ut talem, qualem admiramur, servemus Platonem philosophum, si omnibus verbotenus acceptis sexcentis eum contradictionibus intricemus, quas ne enarrare quidem possimus?

Sed ut ad rem ipsam veniam, idque, quod contendi, demonstrem etiam, cum supra ex illo primario loco, ubi primum vox *χώρα* occurrit ut materiae nomen, cetera, quae de hac re disputaverit Plato dixerim esse illustranda, discrimen in interpretatione est statuendum inter eos locos, qui ante illum extant de materia passim agitata et eos, qui eum subsequuntur. Nam qui Platonem sibi non contradicere est demonstraturus,

ante demonstret necesse est, Platonem Tim. pag. 30, A, 43, A, B, 46, C. sqq. 48, A. sic loqui, ut, quod postmodum sit dicturus, his locis non refragetur, fierique possit, ut res primum quasi in praetereundo attacta — nam in omnibus his locis non de materia, quid proprie sit, agi, sed tantum anticipando quandam ejus notionem longe non expressam adumbrari vix quis neget — postea, ubi seorsim de ea sit acturus, recte intelligatur. Loci autem, qui sunt post Tim. pag. 52, B, C, siquidem et ad materiam sunt referendi neque, aperte sibi Platō ipse repugnat, ita accipi debent, ut auctor in iis ea, quae 52, B, C. exposuit, supposuisse et rem recte intellectum iri arbitratus esse videatur. Qua de re propterea primum non dubitandum esse puto, quia Plato inde a pag. 52, D. (*Οὗτος μὲν οὖν ὁη παρὰ τῆς ἐμῆς ψήφου* cet.) usque ad pag. 53, C. facit transitum a capite de materia ad caput de mundo sensibili<sup>1)</sup> simulque declarat, quomodo ex materia illa primitiva (*χώρα*) factum sit illud chaos perquam rustice se gerens sive materia secundaria. Dicit enim principia esse mundi et *πρὶν τὸν οὐρανὸν γενέσθαι* extitisse *ὃν, χώραν, γενέσθαι*. Id autem mihi perspicuum esse videtur hoc *εἶναι πρὶν τὸν οὐρανὸν γενέσθαι* non verbotenus de tempore antecedente coeli exornationi, quo haec tria fuerint, esse cogitandum. Nam primum, si quis rem ad tempus referat, quae potuit esse *γένεσις πρὶν τὸν οὐρανὸν γενέσθαι*? Sed etiam — id enim, quod modo dixi, nondum ad id, quod volo, demonstrandum plane sufficere arbitror — et negat Plato tempus ante coeli exornationem fuisse<sup>2)</sup> et, quid sit illa *γένεσις* et quomodo cum iis, quae ante dicta sunt, et cum tota Platonis philosophia congruat, videant illi, qui locum, nostrum non ita accipiunt, ut philosopho ad mundi visibilis explicationem notiones *τοῦ ὄντος, τῆς χώρας, τῆς γενέσεως* esse statuendas et exponendas, antequam ad mundi ipsius descriptionem accedat, Timaeus doceat. *Γένεσις* igitur est ratio, quae intercedit inter ideas et materiam seu modus se invicem determinandorum positivi et negativi rerum sensibilibum principiorum. Pergit Plato post

<sup>1)</sup> Vide pag. 14 et 15.

<sup>2)</sup> Tim. pag. 37, D.

haec verba ipsam *γένεσιν* describens. Suscipit materia elementorum formas varias, sed non secundum regulam et aequabiles modos dispositas, quare concutitur et vehementer agitatur; elementa quasi cribro purgari atque similia similibus adjungi et suum quodque locum obtinere incipiunt; sed adhuc omnia *εἶχεν ἀμέτρως* et *ἀλόγως*, quomodo rem decet se habere absque deo, a quo, quae tunc secuta, exornatio atque ad numeros certos modosque rerum naturalium dispositio est profecta.

Hunc, cujus modo breve dedi argumentum, locum si spectamus, non dubitare possumus, quin maximi is sit momenti ad illustrandam eam, quae intercedat inter primitivam et secundariam materiam, rationem. In eo autem id discrimen videtur situm esse, ut secundaria jam quodammodo ideis sit affecta sive permixta, primitiva vero nullam habeat substantiam, nihil ideis simile; secundaria est negativum aliquid conjunctum et oppositum momento positivo, vacuum inter corpora et corpora inter se dirimens cum ipsis corporibus. Sed quod praeterea hic doctum videtur, non facere possum, quin Platonis veram atque nudam metaphysicam sententiam esse negem. Ex ideis enim cum constet figuras elementorum profectas esse, secundum nostrum locum et alios etiam Timaei apparet hanc materiam secundariam non solum, ut jam dixi, ex rebus ab ideis ductis, id est elementis et primitiva, compositam esse, sed etiam hoc demum statu videtur a deo exornari ac conformari coepta. Hoc dico: materiam primitivam, quae plane erat nihil substantiae, quodammodo aliquantularum idearum particeps facta in chaos turbatum et immoderatum est mutata. Id autem, quod ex ideis profectum jam erat in materia secundaria, non valuit ad mundum, ut nunc est, *θεὸν γεγεννημένον* exornandum, opus erat dei insuper operatione. Porro, si, quod saepe fit, opponuntur inter se dei providentia et altera ex parte materia immoderate agitata, quid sequitur? Ut id, quod divini jam inest materiae secundariae, non dei providentia inciderit in materiam primitivam seu *χώραν*, sed casu fortasse quodam; videtur aliquid ex ideis, id est elementorum formae, quamvis rudes etiam tunc in materiam defluxisse invito deo et effecisse hoc chaos,

quod describitur nostro loco; divini aliquid se junxit cum eo, quod oppositum est divino, et providentiae operatio, qua mundus dispositus et perfectus est, simillima est reconciliationi cuidam. Ecce gnoseos Valentinianae fundamenta egregie a Platone jacta! Fac elementaria corpora *τὴν κατὰ σοφίαν*, invenies fortasse in anima mundi *τὸν σωτήρα* et habebis in Timaeo gnoseos compendium — sed vehementer vereor, ut summi philosophi librum praeclarissimum serves. Nam quidnam dicit Plato disertis verbis de anima mundi? Prius eam fuisse, quam corpora extiterint, ergo etiam ante necessitatem et causam erraticam et materiam secundariam<sup>1)</sup>. Propter quem locum et ejus similes maximas habeamus Platoni gratias; nam modo id, quod divini est in mundo, modo id, quod oppositum est, prius tempore statuendo significat, quomodo velit acceptum illud: ante coeli exornationem non fuisse tempus, id est totam illam temporum et quasi comediae actuum successionem in mundo extruendo vult pro fabula vel certe pro eo, quod non ad id, quod dicit, pertineat, haberi. Nam etiamsi quis negare possit id, quod equidem pro certo habeo, philosophum, quatenus sit philosophus, historiam mundi nascentis omnino non reddere posse, sed tantum aut causalem deductionem — verbo sit venia — id est, quae causa absoluta sit mundi et quatenus eadem causa mundi sit, aut analysisin substantiae, id est, quid universum sit et quid ejus absoluta substantia, tamen eum, qui spectet innumeras contradictiones, in quas Platonem praecipitemus, si loquamur de periodis mundi nascentis in Timaeo descriptis, intellecturum puto Platonem, quatenus fuerit philosophus et philosophis scripserit, nihil voluisse, nisi hunc mundum, ut est, et quem adspexit et nos adspicimus, ex iis, quae antea jecerat fundamenta, principiis metaphysicis construere ac intelligere. Id vero fieri debebat ex duobus principiis illis, ex ideis et materia, nam non solas aeternas ideas in mundo vidit philosophus sed etiam negationem idearum. Duo autem principia si in rebus conjunguntur, haec conjunctio est diversa quantitate seu gradu, id est: modo illud, modo hoc praevalet in di-

<sup>1)</sup> Tim. pag. 34, E.



versis rebus singulis, quae, si per se spectantur, portionibus ex universi bene dispositi nexu abscissis sunt similes. Qui igitur his fundamentis factis ordine vult philosophari, aut positivum momentum magis magisque adiciat admisceatque negativo, necesse est, aut vice versa rem expediat. Plato vero, cum mundum quam maxime perfectum haberet et ideis similem, aptissimum ratus est ex statu minime perfecto ad perfectiores quosque deinceps eum perducere, non, ut quomodo factus sit mundus in temporum successione, doceret, sed explicaret mundum, qualis sit, ex suae philosophiae principiis. Scilicet saepissime in Platonis philosophia cogitationes notionesque inter sese subsequuntur, non item res cogitationibus respondentes — an forte est aliquis, qui detexerit in ideis nexum vere causalem, quem nos dicimus, cum rebus sensibilibus, sive qui deduxisse Platonem ex ideis mundum invenit ita, ut ex idearum natura sequatur necessario, ut mundus sensibilis et quidem talis, qualis est, existat? Nos quidem, ne utrum factus quidem, necne sit mundus, Platonem curasse putamus eo sensu, quo nos curamus, scilicet utrum ex aliqua causa sit a se diversa, an sit sui ipsius causa.

Sed haec jam satis superque ad materiam illam a primitiva distinguendam, quam secundariam vocavimus, neque amplius a re proposita digredi volumus. Quamquam accedit inter alterutram etiam id discrimen, ut secundaria materia mota sit, primitiva vero motu prorsus careat. Et id quidem non temere. Materia enim primitiva prorsus immota immutabilisque, item ideae seu τὸ ὄντως ὄν aeternae substantiae sine ullo motu et mutatione. Ideae autem si negatione sua afficiuntur vel si materiae aliquid positivi additur, existit motus, qui esse non potest nisi duobus illis principiis, ideis et materia, conjunctis. Hic autem in materia secundaria — id quod maximi est momenti — minimum aliquid idearum cum magna vi materiae sive minimum positivum cum multa negatione cogitatione componitur, qua de causa existit motus indispositus et turbulentus, quo vero crescit modo idearum dominatio, id est quo magis idearum natura exprimitur in rebus sensibilibus, eo minor fit motus turbulentus; ille vero motus circularis in se ipsum semper revertens et im-

mutabilis aeternusque siderum perfectissimus est et accedit, quam proxime in mundo sensibili fieri potest, ad aeternarum substantiarum immutabilem immotamque naturam. Quod cum respicimus, egregie videtur Plato animam mundi naturam ex materia et ideis perfectissime temperatam, quippe quae sit principium motus bene dispositi et propterea divini, descripsisse. Sed neque iis, quae hoc loco de materia passim agitata dicta retuli, refragatur, quod Plato alias <sup>1)</sup> animam fecit omnis motus principium, quippe quae se moveat ipsa et a qua omnis motus proficiscatur, nec sequitur ex eo, quod sine anima motus omnino est nullus, ut materiae secundariae adscribatur anima, siquidem quis intelligat, materiam secundariam omnino nunquam et nusquam fuisse — id quod quare ita se habeat, antea jam satis significasse mihi videor — sed cogitatione tantum a philosopho fingi.

Denique vero nunc primum, quid sint causae auxiliares seu τὰ ξυναίτια ac quatenus ad rem nostram pertineant, recte intelligere possumus. Dicit enim Timaeus pag. 46 respiciens ad elementorum motus, qui rursus movent hominum sensus: „ταῦτ' οὐν πάντ' ἔστω τῶν ξυναιτίων“; quae non esse cum causis (αἰτίαις) confundenda. Est enim genus causarum duplex, alterum id complectens, quod rationis particeps est et se movet ipsum, alterum, quod ratione est expers et ipsum ab alio motum alia movet necessitate. Illud anima est vocandum, hoc anima expertia sunt intelligenda corpora. Quae ξυναίτια — omnia enim, quae non pertinent ad rem nostram, transeo — secundum ea, quae modo dicta sunt, nemo ita poterit accipere, ut motas eas quadam necessitate ab anima mundi non dependente dicat, sed nulla alia ratio intercedit inter τὰ ξυναίτια et τὰ αἴτια, nisi quae est inter corpus et animam, e quibus alterum ab altera se ipsam movente movetur. Quod satis aperte significat Plato, cum dicit causas auxiliares ὑπ' ἄλλων moveri, ἑτέρα δὲ ἑξ ἀνάγκης movere. Ea enim, quae ab aliis moventur, si recedimus ad extremam seu primam omnis motus causam, ab eo, quod se ipsum movet, moveri debere ex Platouissententia, ergo ab anima, facillime conjicitur.

<sup>1)</sup> Phaedrus, pag. 245.

Neque illud quidem „καὶ ὅσαι μονωθεῖσαι φρονήσεως τὸ τυχόν ἀτάκτον ἐκαστοτε ἐξεργάζονται“ turbet quemquam; nunquam enim corpora omni vacant cum anima conjunctione, quatenus moventur omnia; sed quo magis distant motus causae ab anima, prima causa, id est, quo plures res ab aliis motae sunt inter singularem et animam, eo magis motus fit ἀτάκτος, nihil vero, quod movetur, plane et absolute ἀτάκτως movetur; unum enim et solum illud, quod sine omni cum anima et cum ideis est communionem, materiam dico primitivam, motu prorsus caret. Sed quae de anima sunt dicenda deque rebus similibus, vereor, ne et longa sint nimis neque satis ad nostram rem intelligendam faciant. Quare, quae hactenus dicta sunt, ad metaphysicam physicamque, ut ita dicam, materiae vim illustrandam sufficiant, pergendum autem ad cetera.

## Caput IV.

### De materiae notione, quomodo in intellectum cadat.

Quo tandem modo mens nostra materiae cognitionis fiat particeps, cum Platone disquisiturum difficillimum esse hoc problema vix fugiet. Primum enim, cum appareat, Platonem ad ideas tales, quales posuit, describendas adductum esse eo, quod id, quod vera scientia et ratione percipi posset, per se et a rebus sensus moventibus disjunctum esse debere — intime enim inter se junctas esse eas idearum qualitates, ut essent substantiae utque a ratione sola cognoscantur — arbitratus est, sequi videtur, ut materia, quippe quae substantia careat ideisque sit opposita, quin etiam ipsa efficiat, ut res mundanae non tam firma atque distincta quam ideae cognitione intelligi possint, sequi igitur videtur, ut materia omnino non possit cognosci. Nec non hoc Plato intellexit. Quare, quamquam non poterat supersedere principio illi negativo aliquo saltem modo definiendo, tamen χαλεπὸν καὶ ἀμυδρόν, δυσάλωτότατον, μεταλαμβάνον δὲ ἀπορώτατά πη τοῦ



νοητοῦ<sup>1)</sup> appellat et quae reliqua a nobis mox consideranda significant difficultatem, in quam in hoc systematis sui loco inciderat. Accedit, quod ex iis, quos in libris de republica enarrat, quatuor modis cognoscendi, νόησιν, διάνοιαν, πίστιν, αἰσσίαν<sup>2)</sup>, nullus ad materiam referri potest. Nec temere mihi videtur semper minus, quomodo, quam quomodo non cognoscatur materia, dicere, si verborum, quibus uti solet, naturam respicimus, ut „μετ' ἀναισθησίας, νόθος, λογισμός, μόγις πιστόν, ὀνειρώξις,“ in quibus, ut ita dicam, omnibus dominatur qualitas negativa.

Haec, ut intelligamus, quam difficilis sit res, quanta igitur cautela utendum in ea tractanda, quam denique, si opera data obscuram nihilominus rem manere viderimus, non indignandum, sufficiunt. Ad rem autem ipsam ut accedamus, primum quidem verba illa gravissima „αὐτὸ δὲ μετ' ἀναισθησίας ἀπτόν λογισμῷ τινὶ νόθῳ, μόγις πιστόν“ respiciamus. Ἀναισθησία igitur et νόθος λογισμός quid tandem significant? Ἀναισθησία in Philebo is vocatur habitus animae humanae, qui obtinet, si corpus aliqua re externa afficitur, extinguitur vero in corpore nec pervenit ad animam usque affectio<sup>3)</sup>. Quod optime quadrare videtur ad materiam. Nam corpus quidem cum ipsum sit natura γιγνόμενον, debet, uti omnes res naturales, materia effectum esse et ex elementis, quae, ut ante descriptum est, τῇ χώρᾳ sunt immissa et ab ea circumdata, constare. Ad animam ipsam autem non penetrare potest sensus materiae, quamquam ipsa non prorsus ea caret, nam mens — hic enim de anima quatenus mens est, loquimur — aut per τὴν δόξαν τὰ γιγνόμενα cognoscit aut per τὸν νοῦν τὰ ὄντα, quorum neutrum, nec το γίγνεσθαι dico nec τὸ εἶναι, contingit τῇ χώρᾳ seu materiae. Per sensus igitur omnino non

<sup>1)</sup> Haec dum respicio, id quod Ritter (Geschichte der Philosophie II. Theil, zweite Auflage pag. 361, 3) dicit „Man vermuthet wohl nicht mit Unrecht, dass Plato hier mit Fleiss solcher sich widersprechender Ausdrücke sich bedient, um die Undenkbarkeit dessen, was den Ideen entgegengesetzt ist, zu bezeichnen“ videntur non injuste dicta.

<sup>2)</sup> cf. pag. 8, adnot. 2.

<sup>3)</sup> Phileb. 33, D.

percipitur, nec per rationem, sed per νόθον λογισμόν. Quo in exponendo, quid sit, vehementer cavendum, ne nostra etiam ratiocinatio sit infanti illegitimo comparanda. Λογισμόν significare ratiocinationem, actum igitur mentis non instrumentum seu partem seu vim aliquam patet; λογισμῷ id cognoscitur, quod non recta quasi via percipitur a mente ut res, quae sensus movent et aeternae etiam substantiae, quas ratio pura intuetur, sed quod concludendo ducitur ex praemissis: nunquam vero plane se potest liberare ejusmodi cognitio a nexu cum rebus sensibilibus. Λογισμός est igitur τῆς διανοίας, quae imprimis ad mathematicas res refertur. Aptissime igitur Plato dicit λογισμῷ percipi materiam, quoniam et nomen χώρα est matheseos et, ut supra demonstravi, philosophus in notione illius principii metaphysici determinanda mathematicis disciplinis et notionibus praecipue usus est.

Sed cur νόθον λογισμόν vocat? Si eas res, a quibus proficiscitur ea, ex qua sequitur materiae notio, ratiocinatio, spectamus, eo videtur „νόθος“ referendum, quod λιάνοια et δογισμός, quippe qui propriam rem habeant cum geometricis rebus, tractant res et substantias ideis affines, id est corpora, plana, lineas, quales per se sunt, quibusque — id quod hic praecipuum est discrimen notandum — non competit extra se invicem esse seque invicem excludere ita, ut, ubi aliud ex iis est, aliud esse non possit; νόθος vero ille λογισμός proficiscitur a rebus mathematicis non pure mathematicis, id est, quatenus loco sunt diversae inter se, seu, quippe materia circumdatae, extra se invicem; et concludendo pervenit ad principium hujus diversitatis, materiam, χώραν. Λογισμός igitur est νόθος primum, cum non capessat, a quo proficiscatur, purum principium, quin immo non, ut proprie et per se sunt res, accipiat eas, sed magis, quatenus non sunt, id est, quatenus materia seu χώρα affectae. Tum vero, quod magis etiam videtur urgendum esse, ex eo, quod efficit, vocatur νόθος hic λογισμός, scilicet νόθον aliquid efficit. Etenim si imaginem, qua hic utitur Plato, volumus prolixius evolvere, haec etiam esse videntur, quae inter se comparat. Λογισμός noster νόθος est quasi coitus illegitimus, ex quo generatur aliquid νόθον; init ratio quasi matrimonium cum ejusmodi objecto,

quod ipsius naturae dignitate longe est impar; respondet enim rationi substantia, seu est altera alterius legitima conjux; cum autem νόθον λογισμόν ratiocinatur, cum non-substantia cumque eo, quod non-ens est in rebus sensibilibus, coit ratio, quapropter partus νόθος inde existit, scilicet materiae notio.

Illud vero „μῶγῃς πιστόν“ est etiam obscurius. Πιστός, quam Plato primam dicit esse in Republica<sup>1)</sup> δόξας speciem et proinde perfectiorem, id est idearum cognitioni propiorem quam εἰκασίαν, videtur esse, si quis conferat Philebum<sup>2)</sup>; logica, εἰκασία vero symbolica — brevibus terminis utor a Susemihlio adhibitis, quocum hic plane conspiro — opinio, quae sic inter se differunt ut scriptor et pictor. Quare hoc etiam id, quod jam attigi, significari suspicor, materiam magis cogitando quam intuendo, magis obliqua et, ut nos dicere solemus, per reflexionem, quam recta via ad animae nostrae perceptionem venire, et quidem μῶγῃς, id est aegre et vix adaequate. Sed confiteor me hic non sperare fore, ut, si quis rem accuratius investigare studeat, Platonis sententiam plane perspicuam reddat periculumque alienorum inferendorum plane effugiat. Neque enim satis constat Platonem, πιστός quid sit, unquam plane distincte definivisse et semper eundem huius termini usum retinuisse, et est verisimillimum in ipso nostro loco propter rei difficultatem notiones virium, per quas mens assequitur cognitionem, aliquo modo confusas et obscuras factas esse; quotiens enim lego hunc locum, suspicio mihi oboritur hic non suffecisse doctrinam illam de facultatibus animae ad cognoscendum pertinentibus — id quod vernacule vocamus „Erkenntnistheorie“ — Platonemque ipsum hoc sensisse, sed obscuritatem rei offusam non plane tollere potuisse, quin philosophiae suae principiis quodammodo officeret.

Pergamus igitur ad reliqua. Dicit Plato effici de materia quandam opinionem falsam, quam cum somnio aptissime comparat. Materiam enim cum spectamus, fit, ut somnietur dicentes nihil omnino esse, quod locum et spatium non obtineat. Hoc Platonis

<sup>1)</sup> cf. pag. 8, ad not. 8.

<sup>2)</sup> Phileb. 38, E; 39, A et quae sequuntur.

ex sententia manifesto est falsum, nam ideae sunt extra locum; somnii autem est, ut non ens pro ente ponat. Eo vero somnio, quod constat in opinione illa falsa, qua rerum verae substantiae id adnumeramus, ut sit in spatio, fit, ut neque ad verae substantiae cognitionem pervenire, neque a rebus sensibilibus eam recte dignoscere possimus. Sic privamur recta sententia: res sensibiles, quippe substantiarum aeternarum imagines, cum non sint ipsarum earum, propter quas extant, substantiae sed semper extent substantiarum a se diversarum mutabilia phaenomena, propterea oportet eas aut in alio quodam esse ita, ut quodammodo vel aliquatenus tantum substantiae participes sint, (id est substantiae negatione sui ipsius affectae) aut omnino nihil esse. Quod autem ad ideas attinet, perspicuum est ex ratione et sine ullo dubio verum, eas in se tantum neque in ullo alio esse neque unquam cum alio conjunctas et easdem esse posse.

Haec mihi videntur esse, quae Plato quasi summam doctrinae de materia, ad rationem et ideas quomodo se habeat, posuerit. Et quidem egregie. Hoc enim ex loco, et quomodo extiterit sententia et quomodo cum tota Platonis philosophia sit nexa, perspicui et intelligi optime potest. Verba vero ipsa philosophi sunt magis ob profunditatem rerumque gravitatem quam dictione obscura, quare eum, qui Platonis doctrinam bene habeat perspectam, vix possunt in errorem inducere, sed, si quis non teneat principia ac fundamenta philosophiae Platonicae: ideas solas esse substantias easque transcendentis, verba non tam omni earent ambiguitate, ut vehementer is, qui interpretatur, errare non possit. Quare nonnulla etiam sunt adjicienda ita, ut Platonicae philosophiae fundamentorum ratione habita haec, quae nostro loco docet Timaeus, illustrentur et, quomodo recte, quomodo non sint interpretanda, sine ullo dubio confirmetur.

Priora quidem verba inde a „*πρὸς ὃ δὴ καὶ*“ usque ad „*οὐδὲν εἶναι*“ facilia sunt, quam ea, quae sequuntur, sed ad posteriora recte intelligenda non pauca conferunt. Dicit Plato falsam esse illam sententiam, qua omnia, quae sint, in spatio esse dicamus. Ex vera autem materiae cognitione non sequitur illa falsa opinio, id quod Platonem intellexisse non indi-

get demonstratione; ex falsa igitur materiae notione  
judicamus omnia, quaecunque sint, in spatio id est in  
materia esse. Jam vero, cum, ut jam dixi, hoc judicio  
rerum substantiae id adnumeremus, ut sint in spatio,  
cumque hoc judicium non possit stare, nisi spatium  
et ipsum substantia sit, elucet Platonem dicere: quia  
falso materiam seu spatium pro re aliqua, quae sit,  
habemus, falso etiam concludimus rem, quae non sit  
in spatio, prorsus non esse. Negat igitur primum ma-  
teriam esse substantiam, tum substantias illas trans-  
scendentes in materia esse, seu, si verbis barbarissimis  
venia est, primum substantialitatem materiae, tum ma-  
terialitatem substantiae. Quae cum ita sint, apparet  
illa, quae sequuntur „*ταῦτα δὲ πάντα* usque ad *καὶ  
δύο γενήσονται*“ ita accipi non posse, ut Plato pro-  
pter hanc ipsam falsam sententiam, res, nisi in spatio  
sint, omnino non esse, neget nos posse verum hoc  
judicare; res sensibiles, cum idearum substantia iis non  
insit, sed imagines illarum tantum sint fluctuantes, aut  
ex materia debere mutuari substantiam; aut omnino  
carere substantia. Nam etiamsi hoc, quod ex Platonis  
sententia nunquam fieri poterat, verum esset, non tantum  
ex prioribus illis non sequeretur, sed etiam iis re-  
pugnaret; nec poterat Plato negare materiam esse sub-  
stantiam et statim post dicere rerum sensibilibus sub-  
stantiam e materia venire, quoniam eandem, quae est  
idearum, dignitatem non possent istae res obtinere.  
Sed maxime etiam totius Platonicae philosophiae in-  
doli et principiis esset contrarium, si idem, qui totiens  
ideas solas esse veras substantias affirmavisset, res  
sensibiles ex materia aliquam substantiam trahentes  
faceret. Neque vero is, qui persuasum habet Plato-  
nem tam aperte non potuisse deficere a principiis suis  
neque adeo non sibi constare, dubitare poterit, qui  
sit vere Platonicus horum verborum sensus: scilicet  
verba „*οὐτως ἀνωγένης ἀντεχούνην*“ non signifi-  
cant, cur imagines in alio fieri oporteat, sed, quid ex  
eo, quod imagines sint et in alio fiant, consequatur,  
describunt. Quia rebus sensibilibus non possumus  
perfectam, quae solis ideis contingit, adscribere sub-  
stantiam, sequitur, ut iis aut aliquam negatione affe-  
ctam aut prorsus nullam adscribamus. Hoc vero —  
omnino nos negare τὸ γινόμενον — vetat sensuum



experientia, ponendum igitur in rebus sensibilibus aliquid substantiae simile, non vero purum, ut in ideis, sed imperfectum, negatum. Sive, ut brevissima utar formula: ex transcendentia substantialitateque idearum sequitur, ut immaneat rebus sensibilibus adhaereatque non-substantia seu negatio. Hoc vero negativum momentum est materia sive *χώρα*.

## Caput V.

### De „ἀπειρώ“ quod occurrit in Philebo.

Dicendum nunc est de ἀπειρώ illo, quod occurrit in Philebo inde a pagina 15, B. Nexum enim internum intercedere inter id, quod hoc in loco disputat Plato, et id, quod legimus in Timaeo de materia, vix quisquam neget. Locus autem quippe propter sententiarum verborumque aciem, ne dicam argutias, difficillimus, sed gravissimus et sane dignus, qui penitus intelligatur. Sed ne statim in errores de eo, quod velit ostendere Plato, incidamus, primum est monendum hic genus dicendi dominari, ut ita dicam, logicum seu dialectum, non metaphysicum aut physicum. Quamquam enim ideae, quae hic *μονάδες* — quod cur fiat, mox videbimus — vocantur, ἀλλήθως οὐσαι dicuntur, et aliae etiam, quae ad earum aeternam substantiam definendam pertinent, adjiciuntur, tamen hoc quasi in praetereundo monetur, caput autem est, ut, quatenus in ideis unum et multa idem sint, demonstretur: quod nihil aliud est nisi expositio de notionum partitione logica, in qua notiones angustiores partiendo ex latioribus ducuntur, latiores autem angustioribus inter se collatis et conjunctis effinguntur. Hoc spectans jam pag. 15, B. dicit Socrates ideam ἐν τοῖς γιγνομένοις καὶ ἀπειρώς διασπαρμένην καὶ πολλὰ γεγονυῖαν δετέον et in iis, quae proxime sequuntur usque ad pag. 20 hoc latius exponit, sed missa illa metaphysica hujus sententiae difficultate, quae oritur ex transcendentia (τὸ χωριστὴν εἶναι) ideae, logicam tantum notionum inter se rationem et, ut ita dicam, γένεσιν respiciens. Nam intelligere idem esse unum et multa atque hoc adhibere ad unam-



quamque rem nondum est scire aliquid, quippe quod origo sit inextricabilis apud multos confusionis. Quae nonnisi hoc modo potest effugi. Omne, quodcunque esse dicitur, est ἐξ ἑνὸς καὶ πολλῶν, habet autem πέρας et ἀπειρίαν in se conjuncta. Id eam habet vim, ut in cogitando semper primum statuatur una amplissima notio generalis, tum, quot species ea proximas in se complectatur, tum hae species rursus, quot inferiores contineant species. Sic est pergendum, donec intelligatur, id, quod primum unum erat positum, non tantum unum et multa et ἀπειρα esse, sed etiam, quot sint ejus species. Tum demum, cum amplius divisio generum procedere non poterit, ad ἀπειρόν erit perventum. Apparet igitur τὸ ἐν, quod est in unaquaque re, esse notionem generalem, τὸ πέρας definitum illum specierum numerum, ἀπειρον autem individua, quae non jam possunt cognosci generibus et speciebus a ratione definitis; quare etiam cum γιγνομένοις 15, B. componuntur. Exemplum sequitur ejusmodi partitionis, quae conspicua est in voce, quatenus ea habet altitudinis innumeros gradus et tamen et est una et in certa intervalla per harmonias dividitur.

Sed est etiam alia ad id, quomodo unum et multa unaquaque idea sit, cognoscendum via ab ἀπειρῳ initium faciens ita, ut ibi primum certae species reperiantur, tum in genera, denique vero in unum genus, quod omnia complectatur, jungantur. (18, B. sqq.) Leguntur deinde alia, quae ad nostram rem minus pertinent, sed inde a pag. C rursus occurrit τὸ ἀπειρον. Dicit enim Socrates τὰ ὄντα in quatuor genera esse dividenda: τὸ μὲν ἀπειρον, τὸ δὲ πέρας (seu πέρας ἔχον pag. 24, A.), τὸ δὲ τρίτον ἐξ ἀμφοῖν τούτων ἐν τι συμμιγόμενον, finem vero facit τῆς συμμίξεως τούτων πρὸς ἄλλα αἰτία. Quodsi adhuc satis apparuit, τὸ ἀπειρόν ideis opponi, cum, simulatque ideae desinunt ad ἀπειρον perveniatur, ex eo tamen, quod Socrates dicit, se de ἀπειρῳ etiam velle monstrare, quatenus unum et multa sit, videmus eum etiam nunc logice tantum, non metaphysice disputare i. e. non refert, utrum haec, quae enumeravit, sint principia essendi, an cogitandi solum. Dicit enim τὸ ἀπειρον omnia ea in se complecti, quae φαίνεται μᾶλλον τε καὶ ἥττον γιγνόμενα καὶ τὸ σφόδρα καὶ ἥρεια δεχόμενα, hisque adnumeran-

tur (25, C.) θερμότερον καὶ ψυχρότερον, ξηρότερον καὶ ὑγρότερον, πλέον καὶ ἐλάττω, θάττω καὶ βραδύτερον καὶ μῆζον καὶ σμικρότερον, nam omnia haec ἀπείρου sunt naturae, quia τὸ μᾶλλον καὶ ἥττιον iis contingit. Quo in genere pag. 31 A. ponit etiam ἡδονήν. Sed etiam, quae reliqua tria sint genera, ut ἀπειρον recte intelligamus, videndum. Primum enim patet e pag. 16, C, sqq. omnia, quae „unum” vocantur, eatenus habere in se τὸ πέρας, quatenus in definitum at certum specierum numerum dividuntur, idemque videtur esse id, quod dicitur pag. 23, C πέρας et pag. 24, A πέρας ἔχον; et pag. 25, D describuntur ea, quae τῷ πέρατι adnumerantur, hoc modo: τὰ δεχόμενα τὸ ἴσον καὶ τὴν ἰσότητα, τὸ διπλασιῶν καὶ πᾶν ὃ τί περ ἂν πρὸς ἀριθμὸν ἀριθμὸς ἢ μέτρον ἢ πρὸς μέτρον, nec non ea, quae opponuntur pag. 24, C τῷ ἀπείρῳ, πόσόν, μέτρον τὸ πέρας significare patet, denique vero pag. 25, D iterum definitur familia τοῦ πέρατος ita: τὴν τοῦ ἴσου καὶ διπλασίου, καὶ ὁπόσῃ παύει πρὸς ἀλλήλα τὰναντία διαφόρως ἔχοντα, σύμμετρα δὲ καὶ σύμφωνα ἐνδεῖσα ἀριθμὸν ἀπεργάζεται.

Statim vero post haec verba de iis loquitur philosophus, quae fiant e τοῦ ἀπείρου et τοῦ πέρατος conjunctione, quorum exempla profert bonam corporis valetudinem, musicen et alia, quae in rebus mundanis certis modis numerisque sunt composita regunturque. Egrege vero tertium hoc definitur pag. 26, E. γένεσις εἰς οὐσίαν ἐκ τῶν μετὰ τοῦ πέρατος ἀπειραγμένων μέτρων.

Denique quartum αἰτία seu τὸ ποιοῦν opponitur tribus illis, in quibus et τὰ γιγνόμενα et ea, ἐξ ὧν γίγνεται πάντα continebantur.

Sed haec hactenus. Jam enim apparere arbitror Platonem hic non multum abesse, quin applicet ad metaphysicen etiam eas, quas modo exposuit magis logice et, ut dicere solent, propaedeutice, notionēs. Quis enim est, quin sciat, quam intimus sit nexus apud philosophum nostrum inter principia cognoscendi et principia essendi seu inter dialecticen et metaphysicen. Et quidem τὸ ἀπείρον metaphysice sue physice sumptum, quo sit referendum, vix potest esse dubium. Αἰτία enim ideas significat, substantias aeternas et propter id ipsum causas rerum sensibilium, τὸ πέρας

ordinem certum rerum, numeros seu ea, quae anima mundi praecipue dicitur efficere in Timaeo, motum dico dispositum, aequilibrium virium et ejusmodi reliqua, τὰ ἐνυμιαζόμενα vero res sensibiles seu τὰ γινόμενα in Timaeo, quatenus recto ordine moventur regunturque. Restat igitur, ut ἄπειρον obtineat materiae locum, dicendumque erit ἄπειρον idem esse ac χώραν, sed generaliter magis et latissime patente sensu sumptum id est et logicam et ethicam et metaphysicam physicamque habere vim ac significationem, ita ut omnia, quae in sensus cadunt vel etiam sensu interno percipiuntur ut ἡδονή, quatenus sunt ratione non intelligenda nec certis definienda modis, ἄπειρα vocentur, quod Branisz laudans Platonem brevissime denotavit hisce verbis „das Sinnliche in seiner Endlosigkeit“<sup>1)</sup>. Ea vero, quae in Timaeo de materia disputat philosophus, eandem notionem vel certe simillimam et cognatam adhibent accomodantque ad physicen id est ad mundi sensibilis constructionem<sup>2)</sup>.

## Caput VI.

### Summa.

Retro nunc nos vertamus et, posteaquam ea, quae in Platonis libris extant ad ejus de materia sententiam illustrandam, quantum potuimus, diligenter recensuimus, id rursus adapiamus, a quo sumus initio profecti. Quid igitur tandem est materia Platonica? Utrum est aliquid, an nihil est? Respondimus quidem jam in iis, quae ante sunt dicta, sed et adjicienda etiam sunt nonnulla et res quam brevissime comple-

<sup>1)</sup> System der Metaphysik. Breslau. 1834. pag. 104.

<sup>2)</sup> Quare, si et Timaeum spectamus et eos Philebi locos ubi ἄπειρον ponitur id, ex quo fiant res, missis etiam illis ἀρχαῖς δόγμασιν, de quibus nondum quaerimus, huc referre poterimus illud Aristotelis (phys. auscult. III, 4) de ἀπειρῇ dicentis: πάντες οἱ ἀρχὴν πῶς τιθεσσι τῶν ὄντων, οἱ μὲν, ὥσπερ οἱ Πυθαγόρειοι καὶ Πλάτων, καθ' αὐτό, οὐχ οἷς συμβεβηκός τινι ἑτέρῳ, ἀλλ' οὐσίαν αὐτὸ ἐν τῷ ἄπειρῳ.

ctenda, definienda, judicanda. Primum igitur dubium esse non potest, quin Plato ita describat suam materiam, ut, quod nos dicere assuevimus „Sein,“ ei vix tribuere possimus, sive essentiam (Wesen) sive existentiam (Dasein, Wirklichkeit) intelligamus. Nam Plato aperte et solis ideis id tribuit, ut sint, et materiam opponit ideis et id dicit esse, a quo proficiscatur, quidquid sit negativi idearumque naturae dissimile in mundo sensibili. Quare materiam Platonis cum Aristotele  $\mu\eta\ \delta\upsilon$  vocari posse concedo, quamquam hoc nomen plane probare non possum. Primum enim, quominus bonam et ad rem intelligendam aptam dicam hanc denominationem, impedit, quod Plato ipse ad materiam designandam ea non usus est; tum vero, id quod maximum est,  $\mu\eta\ \delta\upsilon$  in Platonis libris — vel certe, ne cui nimis critices videar im peritus, in iis, qui adhuc pro Platoniceis a plerisque habentur — Sophista et Politico, aliud significat, quod est a materia plane diversum, quodque, cum ad nostrae rei cognitionem nihil conferat, non uberius placet exponere, quam ita, ut dicam  $\mu\eta\ \delta\upsilon$  id esse, quod attribuaturs unicuique ideae, quatenus ab alia qualibet et ab omnibus aliis unâ sumptis differat.

Quare eatenus non-ens dicemus materiam, quatenus Plato prorsus ei abjudicavit id, quod se per verbum „esse“ intelligere declaravit in ideis, id est intelligibilis atque aeternae substantiae transcendens naturam, ut, quod antea jam exponere conatus sum quodque accuratius enucleare ejus est, qui ideas tractet, barbaris sed brevibus dicam. Sed neque Rüttero adstipulari poterimus, qui omino ex iis, quae extra mentem humanam sunt, ejicere facit Platonem materiam, acsi Plato dixisset materiam  $\sigma\upsilon\delta\epsilon\nu\ \alpha\lambda\lambda\omicron\ \epsilon\iota\nu\alpha\iota\ \pi\lambda\eta\nu\ \lambda\omicron\gamma\omicron\nu$  id est nihil aliud nisi imaginatum aliquid seu nostri animi affectionem. A quo longe puto Platonem abfuisse, ut Zeller satis mihi videtur demonstrasse. Neque Zelleri quidem ipsius modum, quo rem accipit, summamque, ut ita dicam, totius articuli componit<sup>1)</sup> in eo probare possum, quod vocat materiam „das Nichtsein, das Aussereinander“. Nam, qui eo modo definit Platonis materiam, dicit Platoni fieri

<sup>1)</sup> Die Philos. d. Griechen II, 1. pag. 468 et 469.

materiam ex abstractione, quod Aristoteles ἐξ ἀφαίρε-  
σεως, ita ut extra cogitationem nostram nihil sit nisi  
qualitas quaedam negativa rebus sensibilibus adhae-  
rens, non autem aliquid, quod habeat qualitatem,  
quamvis negativam. Ejusmodi vero ἀφαιρέσεως mihi  
a Platonicae philosophiae indole videtur abhorrere,  
neque Aristoteles, si Plato materiam intellexisset „die  
blosse Form der Materialität“, dicere poterat ejusmodi  
rem esse ἀρχήν neque ἀνάλογον facere ei, quod ipse  
ὕλην vocaverat. Zeller igitur mihi id idem, quod in  
Ritteri sententia recte improbavit, ipse non plane evi-  
tassee videtur in eo certe, quod „objectivitatem“ ma-  
teriae haud scio an nimis tollat, cum pro forma tan-  
tum seu qualitate negativa habet. Nam, quamvis non  
negem, Platonem, si hoc modo materiam intellexisset,  
non in tantas incidisse difficultates, quas rei obver-  
sari videmus, tamen non video, cur rem, si tam sim-  
plex fuisset, tam obscuram et tam vix investigandam  
saepenumero affirmasset.

Sed quam nunc nos de Platonis materia quasi  
summam ponamus? Philosophum vereor nostrum, ut  
eo usque possimus laudare ac defendere, ut eum ex  
difficultatibus, quae ortae erant ex ea, quam de ideis  
et de materia posuerat, sententia, se plane extricasse  
et evolvisse dicamus. Nam vidimus quidem in omni-  
bus iis, quae huc usque interpretari et conjungere  
conati sumus, quantopere Plato per totum hunc no-  
strum physicum articulum operam dederit, ut materiam  
omnibus iis, quae tribuerat ideis, id est substantia in-  
telligibili, vera, aeterna expurgaret privaretque. Non  
enim corporearum rerum substratum facit, omni exiit  
qualitate tum sensibili, tum intelligibili, vim omnem et  
potentiam adimit, ut neque aliquid ex se procreandi  
habeat facultatem neque aliud extrinsecus ita in se  
accipiendi, ut revera aliquid fiat vel aliquam induat  
qualitatem positivam. Nihilominus tamen facit princi-  
pium non cogitandi et cognoscendi solum, sed etiam  
essendi; non substantiam, non causam, ne formam  
quidem rerum naturalium facit, sed tamen conditionem,  
sine qua non ita, ut sunt, essent res sensibiles. Tale  
autem quid periculum quoddam inferre, ut ita dicam,  
ideis, Plato non facere poterat, quin sibi ipse confi-  
teretur, quod cum in tota re tractanda tum imprimis,

ubi dicit, quomodo in animam nostram cadat materiae notitia, eum sensisse elucet. Sed, si totum systema adspicimus, Platonem egregium ingenii documentum hac etiam in doctrina, quae tam malam semper habuit apud viros doctos famam, edidisse apparet. Ideas enim, ut servaret eas veras substantias, transcendentes esse oportere Platoni constabat. Cum essent in se solis extra mundum, magnum illud oriebatur problema: unde mundus sensibilis? Nam, si id, quod est mundi vera substantia, extra mundum est, exponatur necesse est, qui fieri possit, ut nihilo secius sit mundi substantia. Hic maxima sita est difficultas. Causae enim fieri debere videntur ideae. Sed intelligibiles substantiae sunt, aeterna, immutabili, immota natura praeditae, quin immo ob id ipsum aeternae et immobiles et, ut ita dicam, mortuae sunt factae, ut a ratione possint intelligi. Substantialitas poscebat transcendentiā, nunc poscit transcendentia, ut substantia se ipsam immutet fiatque causa, vita, actus. Quod fieri non posse facile quisque intelligit: mundi sensibilis natura ei, qui ponit ideas Platonicas, ex ideis ipsis non est assequenda cogitatione. Sed extabat semel mundus, praesentes erant res sensibiles, natura undique circumdabat philosophum, nec voluit Plato, ut Eleatae fecerant, omnia *γινόμενα* negare et longe aberat, ut, quomodo recentiores quosdam philosophos fecisse videmus, sensibilibus naturam mutabilem ex nostri intellectus natura duceret atque intelligeret. Quid igitur restabat? Nihil aliud, opinor, nisi quod fecit Plato in ea, quam tractavi, de materia doctrina, id est ut poneret quidem aliquod sensibilibus rerum ab ideis natura plane diversum principium, id vero, quam negativum quamque non-ens et substantia privatum sit, demonstraret. Concessit igitur aliquid, sed quam minimum id fecit. Quod quam egregie mathematicarum rerum opera fecerit, ante ostendere conatus sum. „Dualismum“ nihilominus quendam Platoni quin adjudicemus facere non poterimus, sed concedendum est et praeclare philosophum operam dedisse, ut nihil ideis, quae, ut ita dicam, majores natu ejus erant filiae, detraheret; eoque ipso, quod saepenumero in Timaeo affirmat veri similia, non *δι' ἀκριβείας* vera se tractare et proinde materiam hypothesin — ut



nostris temporibus voce utuntur — magis, quae dialectice cum rebus evidenter veris conformis sit reddenda, irrationale aliquid ex experientia receptum, quod ratione et philosophia sit vincendum ac quam maxime absorbendum, quam notionem vere philosophicam habitam vult, confessus est rei difficultatem obscuritatemque. Quod quidem nec non decet talem philosophum, neque ejus, qui tam aeterna ingenii monumenta exegerit, gloriam nostramque erga eum admirationem ullo modo potest minuere atque extenuare.

Cum vero irrationale — ut verbo barbarico sed notionem usitatissimam bene significante iterum utar — aliquid certe reliquerit atque ad id tollendum mathesin adsciverit, viam quasi ostendit, qua discipuli id est Academici antiquioris sectae profecti sunt. Sed neque de horum doctrinis, neque quomodo Plato ipse in scholis sententiam suam tradiderit, vel etiam exposuiverit post Timaeum conscriptum, disserere proposui. Quare jam est finis imponendus tractatui, in quo, ut non nimis nihil praeter voluntatem laudandum sit, fore spero.

## V i t a .

Natus sum Felix Bobertag in vico regionis Lignicianae, cui nomen est Gross-Laeswitz, a. d. XIV. Cal. Jun. anni MDCCCXLI patre Carolo, verbi divini ministro, matre Selma e gente Gringmuth, quibus adhuc viventibus gaudeo, Fidei addictus sum evangelicae. Postquam rudimenta litterarum a patre et scholae publicae, quae floret in patrio vico, magistro edoctus sum, mense Aprili anni MDCCCLV in tertium ordinem gymnasii Lignicensis florentis huc usque Eduardi Mulleri V. Ill. auspiciis receptus sum. Ibi quinque per annos litteris operam dedi, examine pro abitu superato Vratislaviam me contuli et a. d. XIV cal. Maj. anni MDCCCLX inter almae Viadrina cives a V. Ill. Friedlieb tunc fascis tenente ita sum receptus, ut ordini theologorum evangelicorum a V. Ill. Semisch, qui tunc decani munere fungebatur, adscriberer. Quatuor semestria cum in studiis theologicis et philosophicis essem versatus, inter semiuarii regii theologi evangelici sodales sum receptus. Ingenti cum ad philosophiam traherer impetu, id semper quammaxime potui appetivi, ut tum theologicis, tum philosophicis disciplinis me imbuerem, neutras negligerem. Auditor fui V. Ill. Boehmer, Branisz, Elvenich, Gaupp, Haase, Koestlin, Meuss, Raebiger. Semisch, Bernays, Oginski, Pfeiffer, Rhode, Schultz, quibus omnibus gratiam habeo, quam debeo, maximam; Praecipue vero, quod attinet ad philosophiam, V. Ill. Braniss, Elvenich, Oginski, qui, quanta tum in scholis, tum in disputationibus in me contulerint beneficia, vix queo dicere.

## **Theses.**

1. Non temere Plato discere et meminisse idem esse dixit.
2. Plato nusquam in philosophia sua posuit deum, quem nos possimus personam vocare.
3. Platonis lectio nunquam a gymnasiis abesse debet.
4. Recte Peripatetici: quod prius sit natura, id esse posterius quoad nos.
5. Experientiam omnis scientiae fundamentum esse contendo.
6. Logice pars est psychologiae.
7. Spinoza tum res philosophicas more geometrico tractaret, non recte mihi videtur de philosophiae natura judicasse.
8. Non assentior Kantio, qui argumentum illud, quod dicitur, ontologicum prorsus inutile atque inane putat.

## Libelli conspectus.

	pag.
Prooemium . . . . .	1
Caput primum. Introductio . . . . .	4
Caput secundum. De materia „ <i>χώρα</i> “ in Timaeo vocata . . . . .	14
Caput tertium. De materia quatenus sit mundi principium . . . . .	24
Caput quartum. De materiae notione, quomodo in intellectum cadat. . . . .	35
Caput quintum. De „ <i>ἀνσίρα</i> “ quod occurrit in Philebo . . . . .	41
Caput sextum. Summa . . . . .	44